

求

上

漢書


漢書門類	
二九五七號	類
九函	架
一四	冊

內閣文庫	
二九五七號	漢書類
三函	架
一六	冊



類書 二冊

內閣文庫	
番號	漢 2957
冊數	3 ( 1 )
函號	364 98

364-98







王戎簡要

楊震關西

匡衡繫壁

周嵩狼抗

伏波標柱

武仲不休

嵇呂命駕

胡廣補闕

墨子悲絲

杜右生齒

燕昭築臺

郤詵一枝

鳴鶴日下

鮑靚記井

裴楷清通

丁寬易東

孫敬閉戶

梁冀跋扈

傅望尋河

士衡患多

程孔傾蓋

袁安倚賴

楊朱泣岐

靈王出髻

鄭莊置驛

戴憑重席

士龍雲間

羊祜識環

孔明卧龍

謝安高潔

郗都蒼鷹

郝超鬚參

李陵初詩

桓譚非讖

劇孟一敵

黃霸政殊

朱博烏集

賈誼忌鵬

權靖二妙

鄒陽長裾

晉宣狼顧

仲容青雲

呂望非熊

王導公忠

竊成乳虎

王珣短簿

田橫感歌

王商止訛

周處三害

梁習治最

蕭芝雉隨

莊周畏犧

岳湛連璧

王符縫掖

漢祖龍顏

叔夜玉山



52-158



毛義奉檄	子路負米	江革巨孝	王覽友悌
蕭何定律	叔孫制禮	葛豐刺舉	息躬歷詆
管寧割席	和嶠專車	時苗留犢	羊續懸魚
樊噲捭闔	辛毘引裾	孫楚漱石	郝隆曬書
枚臯詣闕	充國自贊	王衍風鑿	許劭月且
賀循儒宗	孫綽才冠	太叔辯洽	摯仲辭翰
山濤識量	毛玠公方	袁盎却坐	衛瓘撫牀
于公高門	曹參趣裝	庶女振風	鄒衍降霜
范冉生塵	晏嬰脫粟	詰汾興魏	鼂令王蜀
不疑誣金	卞和泣玉	檀卿沐猴	謝尚鳩鵲
泰初日月	季野陽秋	荀陳德星	李郭仙舟
王忱繡被	張氏銅鈞	丁公遽戮	雍齒先侯
陳雷膠漆	范張雞黍	周侯山嶷	會稽霞舉
季布一諾	阮瞻三語	郭文遊山	袁宏泊渚

黃琬對日	秦宓論天	孟軻養素	揚雄草玄
向秀聞笛	伯牙絕絃	郭槐自屈	南郡猶憐
魯恭馴雉	宋均去獸	廣客蛇影	殷師牛鬪
元禮模楷	季彥領袖	魯褒錢神	崔烈銅臭
梁竦廟食	趙溫雄飛	枚乘蒲輪	鄭均白衣
陵母伏劍	軻親斷機	齊右破瓌	謝女解圍
鑿齒尺牘	荀勗音律	胡威推縷	陸績懷橘
羅含吞鳥	江淹夢筆	李廞清真	劉麟高率
蔣詡三逕	許由一瓢	楊僕移關	杜預建橋
壽王議鼎	杜林駁堯	西施捧心	孫壽折腰
靈輒扶輪	魏顆結草	逸少傾寫	平子絕倒
澹臺毀璧	子罕辭寶	東平為善	司馬稱好
公超霧市	魯般雲梯	田單火牛	江道蕪雞
蔡裔隕盜	張遼止啼	陳平多轍	李廣成蹊



陳遵投轄	山簡倒載	淵客泣珠	交甫解佩
龔勝不屈	孫寶自劾	呂安題鳳	子猷尋戴
董宣疆項	翟璜直言	紀昌貫虱	養由覲後
馮衍歸里	張昭塞門	蘇韶鬼靈	盧充幽婚
震畏四知	秉去三惑	柳下直道	叔敖陰德
張湯巧詆	杜周深刻	三王尹京	二鮑糾匿
孫康映雪	車胤聚螢	李充四部	井春五經
谷永筆札	顧愷丹青	戴逵破琴	謝敷應星
阮宣杖頭	畢卓甕下	文伯羞鼈	孟宗寄鮓

薦蒙求表

饒州刺史李良上表

臣良言臣聞建官擇賢其來有素抗表薦士義或可稱爰自宗周逮茲炎漢競徵茂異咸重儒術竊見臣境內寄住客前信州司馬倉參軍李瀚學藝淹通理識精究撰古人狀跡編成音韻屬對類事無非典實名曰蒙求約三千言注下轉相敷演向萬餘事瀚家兒童三數歲者皆善諷誦談古策事無減鴻儒不素諳知謂疑神遇司封員外郎李華當代文宗名望夙著與作序云不出卷而知天下豈其蒙求哉漢朝王子洲製洞簫賦漢帝羨其文令宮人誦習近代周興嗣撰千字文亦頒行天下豈若蒙求哉錯綜經史隨便訓釋童子則固多弘益老成亦頗覽起予臣屬忝宗枝職備藩扞每廣聽遠視採異訪奇未嘗遺一才蔽片善有可甄錄不敢不具狀聞奏陛下察臣丹誠



廣達四聰之義令瀚志學開辨善之門伏願量授一  
職微示勤誠臣良誠惶誠恐頓首頓首謹言  
天寶五年八月一日饒州刺史李良上表

蒙求序

趙郡李華

安平李瀚著蒙求一篇列古人言行美惡參之聲律  
以授幼童隨而釋之比其終始則經史百家之要十  
得其四五矣推而引之源而流之易於諷誦形於章  
句不出卷而知天下其蒙求哉  
周易曰有童蒙求我之義李公子以其文碎不敢輕  
傳達識者所務訓蒙而已故以蒙求為名題其首亦  
每行注兩句人名外傳中有別事可記者亦此附叙  
之雖不配上文所資廣博從切韻東字起每韻四字  
凡五百九十一人爾云



子光序

前言往行載在經史炳若丹青然簡編浩博未易研  
究非真積力久莫能撮其要唐李瀚搜羅載籍采古  
人行事著為蒙求揣議聲韻以類折偶剪剔煩蕪培  
擷精英事跡粲然班班可攷其於屬辭備閱不為無  
補矣然鮮究本根類多舛訛覽者病焉豈瀚之所載  
然歟抑亦後世傳襲之誤也予嘗嘉其用意而惜其  
未備於是漁獵史傳旁求百家窮本探源披華食實  
太抵傳記無見而語淺謬妄者就加是正至於載籍  
之中間有故實可以繫舉者仍掇其一二大者附焉  
庶幾照然若日星之麗天煥然可覩命曰補注將以  
備遺忘而助討論不亦文範之捷徑歟時己酉仲冬  
之月辛卯吉日徐子光序

標題徐狀元補注蒙求卷上

王戎簡要

裴楷清通

列十三

晉書王戎字濬冲琅邪臨沂人幼而穎悟神彩秀徹  
視日不眩裴楷見而目之曰戎眼爛爛如巖下電阮  
籍素與戎父渾為友戎年十五隨渾在郎舍少籍二  
十歲籍與之交籍每適渾去輒過視戎良久然後出  
謂渾曰濬冲清賞非卿倫也共卿言不如共阿戎談

歷官至司徒

高卷裴楷傳

晉裴楷字叔則河東聞喜人明悟有識量少與戎齊  
名鍾會薦於文帝辟相國掾及吏部郎欽帝問會會  
曰裴楷清通王戎簡要皆其選也於是用楷楷風神  
高邁容儀俊爽博涉羣書特精理義時謂之玉人又  
稱見叔則如近玉山映照人也轉中書郎出入官省

本去  
本去  
本去



見者肅然改容。武帝登祚，探策以卜世數多少。既而得一不悅，羣臣失色。摛曰：臣聞天得一以清，地得一以寧，王侯得一以為天下貞。帝大悅，累遷中書令侍

### 孔明卧龍

### 呂望非熊

蜀志：諸葛亮，琅邪陽都人，躬耕隴畝，好為梁父吟。每自比管仲、樂毅，時人莫之許。惟崔州刺史徐庶與亮友善，謂為信然。時先主屯新野，徐庶見之，謂曰：諸葛孔明，卧龍也。將軍豈願見之乎？此人可就見，不可屈致。宜枉駕顧之。先主遂詣亮，凡三往，乃見。因屏人與計事，善之。於是情好日密。關羽、張飛等不悅。先主曰：孤之有孔明，猶魚之有水也。願勿復言。及稱尊號，以亮為丞相。漢晉春秋曰：亮家南陽鄧縣襄陽城西，號

曰隆中。

六韜曰：文王將田，史編布卜曰：田於渭陽，將大得焉。非龍非黿，非虎非羆，非得公侯，天遣汝師以之。佐昌施及三王。文王曰：非致是也。史編曰：編之，太祖史疇為禹占得臯陶，非比於此。文王乃齋三日，田於渭陽。卒見太公坐茅以漁。文王勞而問之，乃載與歸，立為師。舊本作非熊，非羆，疑流俗承誤。後世莫知是正耳。按後漢崔駰達旨辭曰：或以漁父見非於元龜。注云：西伯出獵，卜之曰：所獲非龍，非驪，非熊，非羆，所獲霸王之輔。所謂非熊，蓋本諸此。

### 楊震關西

### 丁寬易東

後漢楊震字伯起，弘農華陰人。少好學，明經博覽，無不窮究。諸儒為之語曰：關西孔子，楊伯起。常客居於



湖不荅州郡禮命數十年衆謂之晚暮而志愈篤後  
有鸛雀啣三鱸魚飛集講堂前都講取魚進曰蛇鱸  
者卿大夫服之象也數三者法三台也先生自此升  
矣年五十乃始仕州郡安帝時爲太尉  
前漢丁寬字子襄梁人初梁項生從田何受易時寬  
爲項生從者讀易精敏材過項生遂事何學成東歸  
何謂門人曰易已東矣寬復從周王孫受古義魏周  
氏傳景帝時爲梁孝王將軍作易說三萬言訓詁舉  
太誼而已

## 謝安高潔

### 王導公忠

列傳九晉書謝安字安石陳國陽夏人年四歲桓彝見而嘆  
曰此兒風神秀徹後當不減王東海王導亦深器之  
由是少有重名初辟除並以疾辭有司奏安被召歷

年不至禁錮終身遂棲遲東土常往臨安山中放情  
丘壑然每遊賞必以妓女從時弟萬爲西中郎將愬  
藩任之重安雖處衡門名出其右有公輔望年四十  
餘始有仕志征西大將軍桓溫請爲司馬朝士咸送  
中丞高崧戲之曰卿屢違朝旨高卧東山諸人每相  
與言安石不肯出將如蒼生何蒼生今亦將如卿何  
安有愧色後拜吏部尚書時孝武立政不自已桓溫  
威振內外安盡忠匡翼終能輯穆進中書監錄尚書  
事苻堅率衆次淮肥加安征討大都督既破堅以愬  
統功進太保薨贈大傅謚文靖

列傳五晉王導字茂弘光祿大夫覽之孫少有風鑒識量清  
遠陳留高士張公見而奇之謂其從兄敦曰此兒容  
貌志氣將相之器也元帝爲琅邪王與導素相親善  
導知天下已亂遂傾心推奉潛有興復之志帝亦雅



一本因作固是

相器重會帝出鎮下邳請導為安東司馬軍謀密策知無不為帝常謂曰卿吾之蕭何也累遷中書監錄尚書事及帝登尊號百官陪列命導并御床共坐導因辭曰若大陽下同萬物蒼生何由仰照帝乃止進位司空

### 匡衡鑿壁

### 孫敬閉戶

列傳前漢匡衡字稚圭東海承人父世農夫至衡好學家貧庸作以供資用尤精力過絕人諸儒為之語曰無說詩匡鼎來匡語詩解人頤射策甲科元帝時為丞相西京雜記曰衡勸學無燭鄰舍有燭而不逮衡乃穿壁引其光而讀之邑大姓文不識名家富多書衡乃與其客作而不求償願得書遍讀之主人感歎資給以書遂成大學

楚國先賢傳孫敬字文寶常閉戶讀書曉則以繩繫頸懸之梁上嘗入市市人見之皆曰閉戶先生來也辟命不至

### 邳都蒼鷹

### 甯成乳虎

列傳前漢邳都河東大陽人景帝時為中郎將敢直諫面折大臣於朝遷中尉是時民撲畏罪自重而都獨先嚴酷致行法不避貴戚列侯宗室見都皆側目而視號曰蒼鷹拜鴈門太守匈奴素聞都節舉邊為引去竟都死不近鴈門匈奴至為偶人象都令騎馳射莫能中其見憚如此匈奴患之乃中都以為漢法卒斬之前漢甯成南陽穰人以郎謁者事景帝好氣為小吏必陵其長吏為人上操下急如東溼薪為中尉其治効邳都其廢弗如武帝即位徙為內史外戚多毀其



自子孫承  
在周禮  
義從

短抵罪後上欲以為郡守公孫弘曰臣為小吏時成  
為濟南都尉其治如狼牧羊不可使治民上乃拜為  
關都尉歲餘關東吏類郡國出入關者號曰寧見乳  
虎無值寧成之怒其暴如此

### 周嵩狼抗

### 梁冀跋扈

列傳周嵩母李氏傳  
晉書周嵩字仲智兄顛字伯仁汝南安成人中興時  
顛等並列貴位嘗冬至置酒其母舉觴賜三子曰吾  
本渡江託足無所不謂爾等並貴列吾目前吾復何  
憂嵩起曰恐不如尊旨伯仁志大而才短名重而識  
闇好乘人之弊非自全之道嵩性抗直亦不容於世  
唯阿奴碌碌當在阿母目下耳阿奴嵩弟謨小字也  
後顛嵩並為王敦所害謨歷侍中護軍世說抗直作  
狼抗晉書周顛傳處仲剛復強忍狼抗無上處仲王

本書

元作書

嘲

### 敦字也

後漢

元孫為人鵞肩豺目洞精矐眇口吟舌言拜大將軍  
侈暴滋甚冲帝崩冀立質帝少聰惠知冀驕橫嘗朝  
羣臣目冀曰此跋扈將軍也冀聞深惡之遂鳩殺復  
立桓帝而枉害大尉李固杜喬海內嗟懼其四方調  
發歲時貢獻皆先輸上第於冀乘輿乃其次焉一門  
前後七封侯三皇后六貴人二將軍在位二十餘年  
窮極滿盛威行內外百僚側目莫敢違命天子恭己  
不得有所親豫帝既不平之後發怒誅冀中外宗親  
無長少皆奔市他連及公卿列校刺史二千石死者  
數十人故吏賓客免黜者三百餘人朝廷為空收冀  
財貨三十餘萬以充王府用減天下稅租之半

### 郝超髯參

### 王珣短簿



晉書郗超字景興大尉鑒之孫少卓犖不羈有曠世  
之度善談論義理精微大司馬桓溫辟為參軍溫英  
氣高邁罕有所推與超言常謂不能測遂傾意禮待  
超亦深自結納時王珣為溫主簿亦為溫所重府中  
語曰鬚參軍短主簿能令公喜能令公怒超鬚珣短  
故也

晉王珣字元琳丞相導之孫弱冠與謝玄為溫掾溫  
嘗謂之曰謝掾年四十必擁旄杖節王掾當作黑頭  
公皆未易才也孝武時為僕射領吏部帝雅好典籍  
以才學文章見昵夢人以大筆如掾與之既覺語人  
曰此當有大手筆事俄而帝崩哀冊謚議皆珣所草  
玄字幼度少穎悟為叔父安所器重安嘗戒約子姪  
因曰子弟亦何預人事而正欲使其佳諸人莫有言  
者玄荅曰譬如芝蘭玉樹欲使其生於庭階耳安悅

鶴

時苻堅入寇朝廷求文武良將可以鎮禦北方安乃  
以玄應舉累進冠軍將軍為前鋒都督與從弟輔國  
將軍琰決戰肥水南堅眾奔潰弃甲霄遁聞風聲鶴  
唳皆以為王師已至進覲前將軍

### 伏波標柱

### 博望尋河

後漢馬援字文淵扶風茂陵人少有大志嘗謂賓客  
曰丈夫為志窮當益堅老當益壯建武中歷虎賁中  
郎將數被進見為人明鬚髮眉目如畫閑於進對又  
善兵策帝嘗言伏波論兵與我意合有謀未嘗不用  
後交阯女子徵側等反蠻夷皆應之拜援為伏波將  
軍擊破之封新息侯援乃擊牛醢酒勞饗軍士將樓  
船戰士進擊餘黨嶠南悉平後復請擊武陵五溪蠻  
夷時年六十二帝愍其老援曰臣尚能被甲上馬帝



令試之。援據鞍顧眄以示可用。帝笑曰：「瞿鑠哉！是翁也。」遂遣征之。進營壺頭，會暑甚，中病卒。廣州記曰：「援到交趾，立銅柱為漢之極界。」  
前漢張騫漢中人。建元中為郎。武帝方欲事滅胡，廼募能使者。騫應募，使月氏，徑匈奴，留十餘歲，持漢節不失。因與其屬亡鄉月氏，後亡歸拜太中大夫。騫身所至者大宛、大月氏、大夏、康居，而傳聞其旁大國五六，具為天子言其地形所有。元朔中，以校尉從大將軍擊匈奴，知水草處，軍得以不乏。封博望侯。贊曰：「禹本紀言：河出崑崙崑崙崑崙高二千五百里餘，日月所相避，隱為光明也。自張騫使大夏之後，窮河源，惡所謂睹崑崙者乎。」舊注云：得支機石歸，未詳所出。

### 李陵初詩

### 田橫感歌

前漢李陵字少卿，前將軍廣之孫。少為侍中，建章殿監善騎射，愛人，謙遜下士，甚得名譽。武帝以為有廣之風，拜騎都尉。天漢二年，將步卒五千人征匈奴，戰敗，遂降焉。初，陵與蘇武俱為侍中，武使匈奴，明年陵降，後昭帝立，與匈奴和親，武得還。漢陵以詩贈別曰：「攜手上河梁，游子暮何之。徘徊路側，恨恨不得辭。晨風鳴北林，熠燿東南飛。浮雲日千里，安知我心悲。」武別陵詩曰：「雙鳧俱北飛，一鳧獨南翔。子當留斯館，我當歸故鄉。一別如秦胡，會見何渠央。愴恨切中懷，不覺淚霑裳。願子長努力，言笑莫相忘。」五言詩蓋自此始。  
前漢田橫，狄人，故齊王田氏之族。秦末自立為齊王，漢將灌嬰敗橫軍，遂平齊地。橫懼誅，與其徒居海島中。高帝召之，廼與其客二人乘傳詣洛陽。謝使者曰：



橫始與漢王俱南面稱孤今王為天子而橫為亡虜其愧已甚遂自剄令客奉其頭奏之高帝為之流涕以王禮葬之拜其二客為都尉既葬二客穿其冢旁皆自剄其餘五百人在海中聞橫死亦皆自殺李周翰曰橫自殺從者不敢哭而不勝哀故為悲歌以寄情右廣之為薤露蒿里歌以送終至李延年分為二等薤露送王公貴人蒿里送士大夫庶人挽柩者歌之因呼為挽歌

# 武仲不休

## 士衡患多

列七十一苑傳  
後漢傳毅字武仲扶風茂陵人少博學肅宗博召文學之士以毅為蘭臺令史拜郎中與班固賈逵共典校書毅追羨明帝功德最盛而庶頌未立乃依清庶作顯宗頌十篇奏之由是文雅顯於朝廷魏文帝典

論曰文人相輕自古而然傳毅之於班固伯仲之間耳而固小之與弟超書曰武仲以能屬文為蘭臺令史下筆不能自休

列十四  
晉陸機字士衡吳郡人大司馬抗之子身長七尺其聲如鐘少有異才文章冠世與弟雲俱入洛造太常張華華素重其名如舊相識曰伐吳之役利獲二人遂薦之諸公又詣侍中王濟濟指羊酪謂曰吳中何以敵此荅云千里萹羹未下豔豉時人稱為名對機天才秀逸辭藻宏麗華嘗謂之曰人之為文常恨才少而子更患其多弟雲嘗與書曰君苗見兄文輒欲燒其筆硯華薦之諸公累遷中書郎後成都王穎起兵討長沙王乂假機後將軍河北大都督機以羈旅入官頓居羣士之右皆有怨心譖之於穎穎怒使人收機機歎曰華亭鶴唳豈可復聞乎遂遇害初機有



駿犬名黃耳。既羈寓京師，久無家問。笑語犬曰：「我家絕無書，汝能齎書取消息否？」犬搖尾作聲，機乃為書以竹筒盛之，繫其頸，犬尋路南走，遂至家，得報還。洛後以為常。

### 桓譚非讖

### 王商止訛

後漢桓譚字君山，沛國相人，好音律。世祖即位，拜議郎，給事中。後詔會議靈臺所處，時帝方信讖，多以決定嫌疑。謂譚曰：「吾欲讖決之，何如？」譚曰：「臣不識讖，帝問其故。」譚曰：「復極言讖之非經，帝大怒曰：『譚非聖無法，將下斬之。』」叩頭流血，乃得解出。為六安郡承卒。前漢王商字子威，涿郡蠡吾人。成帝時為左將軍，京師民無故相驚言大水至，百姓奔走相蹂躪，老弱號呼。長安中大亂，天子召公卿議，大將軍王鳳以為太

右與上及后宮，可御舡，令吏民上長安城以避水。商曰：「自古無道之國，水猶不冒城郭。今政治和平，世無兵革，上下相安，何因有大水暴至此？必訛言。」上廼止。果訛言。上羨壯商之固守，數稱其議。而鳳大慙，後為丞相。為人多質，有威量，長八尺餘，身體鴻大，容兒過人。單于來朝，商坐未央廷中，單于前拜謁商，仰視大畏之，遷延却退。上聞歎曰：「真漢相矣。」鳳怨商，陰求其短，卒為所中，免相薨。

### 嵇呂命駕

### 程孔傾蓋

晉書嵇康字叔夜，撫國銜人，性巧而好鍛。宅中有一柳樹，甚茂，乃激水圍之。每夏月居其下，以鍛。東平呂安服其高致，每一相思，輒千里命駕。康友而善之。家語曰：孔子之郊，遭程子於塗，傾蓋而語，終日甚相



親顧謂子路曰取東帛以贈先生

### 劇孟一敵

### 周處三害

史列六十四漢列六十一  
前漢劇孟洛陽人以俠顯具楚反時條侯周亞夫為大尉東將至河南得劇孟喜曰具楚舉大事而不求劇孟吾知其無能為己天下騷動大將軍得之若一

敵國

晉周處字子隱義興陽羨人膂力絕人不修細行州曲患之處自知為人所惡慨然有改勵之志謂父老曰今時和歲豐何苦自不樂老父歎曰三害未除何樂之有處曰何謂也荅曰南山白額猛虎長橋下蛟并子為三矣處曰吾能除之乃入山射殺猛虎投水搏殺蛟遂勵志好學有文思志存義烈言必忠信克已暮年州府交辟仕具為御史中丞凡所糾劾不避

本虎

寵戚及凶人齊萬年反朝臣惡處強直皆曰處名將子忠烈果貌乃使隸夏侯駿西征伏波將軍孫秀謂之曰卿有老母可以此辭處曰忠孝之道安得兩全既辭親事君父母安得而子乎已而戰敗左右勸退處按劍曰此吾效節授命之日何退之為且古者良將受命凶門以出蓋有進無退也諸君負信勢必不振我為大臣以身御國不亦可乎遂力戰而沒追贈平南將軍

本南化西

本御

### 胡廣補闕

### 袁安倚賴

列三四  
後漢胡廣字伯始南郡華容人察孝廉試章奏安帝以廣為天下第一累為三公年已八十而心力克壯性溫柔謹素常遜言恭色達練事體明解朝章雖無謇直之風屢有補闕之益故京師諺曰萬事不理問

後漢書卷七



伯始天下中庸有胡公及共李固趙戒杜喬議立清  
河王蒜而蠡吾侯志取梁冀妹冀欲立之廣戒憚冀  
皆曰惟大將軍令獨固與喬堅守本議竟立蠡吾侯  
是為桓帝以此譏毀於時自在公台三十餘年歷事  
安順冲質桓靈六帝凡一履司空再作司徒三登大  
尉又為太傅其所辟命皆天下名士與故吏陳蕃李  
咸並為三司蕃等每朝會輒稱疾避廣時人榮之  
後漢袁安字邵公汝南汝陽人嚴重有感見敬於州  
里肅宗未為司空遷司徒和帝時薨初安以天子幼  
弱外戚擅權每朝會進見及與公卿言國家事未嘗  
不噫鳴流涕自天子及大臣皆倚賴之及薨朝廷痛  
惜焉初安父沒訪求葬地道逢三書生問安何之安  
告之生乃指一處云葬此地當世為上公須臾不見  
安異之於是葬其地故累世隆盛

## 黃霸政殊

## 梁習治最

前漢黃霸字次公淮陽陽夏人武帝末以待詔入錢  
賞官補侍郎謁者後復入穀補左馮翊二百石卒史  
馮翊以霸入財為官不署右職使領郡錢穀計簿書  
正以廉稱宣帝時擢揚州刺史以賢良高第為潁川  
太守力行教化而後誅罰外寬內明得吏民心戶口  
歲增治為天下第一徵守京兆尹坐貶秩歸潁川前  
後八年郡中愈治是時鳳凰神爵數集郡國潁川尤  
多天子以霸治行終長者下詔稱揚賜爵關內侯黃  
金百斤秩中二千石後為丞相霸材長於治民及為  
相總綱紀號令風采不及兩魏于定國功名損於治

郡

魏志梁習字子虞陳郡柘人以別部司馬領并州刺



史承高幹荒亂之餘胡狄在界張雄跋扈吏民亡叛入其部落兵家擁衆作為冠害更相扇動往往碁跲習到官誘喻招納皆禮召其豪右稍相薦舉使詣幕府邊境肅清百姓布野勤勸農桑令行禁止貢達名士咸顯於世大祖嘉之賜爵關內侯更拜為真長老稱詠以為自所聞識刺史未有及習者文帝時復為賴史政治常為天下最舊本習作集誤

### 墨子悲絲

### 楊朱泣歧

淮南子曰楊子見逵路而哭之為其可以南可以北墨子見練絲而泣之為其可以黃可以墨高誘曰憫其本同而未異

### 朱博烏集

### 蕭芝雉隨

前漢朱博字子元杜陵人哀帝時御史府吏舍百餘區井水皆竭又其府中列栢樹常有野烏數千棲宿其上晨去暮來號曰朝夕烏烏去不來者數月長老異之後二歲餘博為大司空奏言高皇帝置御史大夫位次丞相今中二千石未更御史大夫而為丞相權輕非所以重國政也臣以為大司空官可罷復置御史大夫遵奉舊制臣願盡力以為百僚率從之廼更拜博御史大夫後為承相坐事自殺前漢蕭廣濟孝子傳蕭芝至孝除尚書郎有雉數千頭飲啄宿止當上直送至岐路及下直入門飛鳴車前

### 杜后生齒

### 靈王出髭

晉書成恭杜皇后諱陵陽鎮南將軍預曾孫后少有姿色然長猶無齒有來求婚者輒中止及帝納采之



日一夜齒盡生在位六年無子先是三異女子相與  
簪白花望之如素柰傳言天公織女死爲之著服至  
是而右崩

左氏傳王子朝曰定王六年秦人降妖曰周其有頹  
王亦克能修其職諸侯服享二世供職王室其有間  
王位諸侯不圖而受其亂災至于靈王生而有頹王  
甚神聖無惡於諸侯靈王景王克終其世

### 賈誼忌鵬

### 莊周畏犧

漢列傳史列二十四  
前漢賈誼雒陽人年十八能誦詩書屬文稱於郡中  
河南守吳公聞其秀材召置門下及爲廷尉廼言誼  
年少頗通諸家書文帝召爲博士每詔令儀下諸老  
先生未能言誼盡爲之對人人各如其意所出諸生  
以爲能帝說之超遷歲中至太中大夫誼以爲漢興

當改正朔易服色制度定官名興禮樂廼草具其儀  
帝謙讓未皇也然諸法令所更定皆誼發之天子以  
誼任公卿之位絳灌之屬害之於是上亦踈之不用  
其議以爲長沙王太傅三年有服飛入舍止於坐隅  
服似鴉不祥鳥也誼既適居長沙卑濕自傷悼以爲  
壽不得長廼爲賦以自廣歲餘帝思誼徵之入見上  
方受釐坐宣室因感鬼神事而問鬼神之本誼具道  
所以然之故至夜半帝前席既罷曰吾久不見賈生  
自以爲過之今不及也廼拜誼梁王大傳死年三十  
三孔臧鴟賦云昔賈生有識之士忌茲服鳥  
莊子曰或聘於莊子莊子應其使曰子見夫犧牛乎  
衣以文綉食以芻菽及其牽而入於太廟雖欲爲孤  
犢其可得乎史記曰莊周蒙人嘗爲蒙漆園吏與梁  
惠王同時其學本於老子著書率寓言洗泮自恣以



適己故王公大人不能器之。楚威王聞周賢使使厚  
弊迎之，許以為相。周引此辭應之。郭象之云：樂生者  
畏犧而辭聘。

### 燕昭築臺

### 鄭莊置驛

史記燕昭王即位卑身厚弊以招賢者謂郭隗曰齊國因孤之國亂而襲破燕孤極知燕小力少不足以報然誠得賢士以共國以雪先王之耻孤之願也先生視可者得身事之隗曰王必欲致士先從隗始况賢於隗者豈遠千里哉於是昭王為隗即築宮而師事之樂毅自魏往鄒衍自齊往劇辛自趙往士爭趨燕後與秦楚三晉合謀伐齊敗之齊城之不下者唯聊莒即墨餘皆屬燕孔文舉與曹公書曰昭王築臺以尊郭隗鮑昭樂府曰豈伊白壁賜將起黃金臺注

云燕昭王置千金於臺上以延天下之士

前漢鄭當時字莊陳人孝文時以任俠自喜脫張羽於泥聲聞梁楚間孝景時為太子舍人每五日洗沐常置驛馬長安諸郊請謝賓客夜以繼日常恐不徧其知友皆大父行天下有名之士武帝時遷大司農當時為大吏戒門下客至亡貴賤亡留門者執賓主之禮以其貴下人其推轂士及官屬丞史常引以為賢於已聞人之善言進之上唯恐後山東諸公以此翕然稱鄭莊後陷罪起為汝南大守卒家亡餘財先是下邳翟公為廷尉賓客亦填門及廢門外可設爵羅后復為廷尉客欲往翟公大署其門曰一死一生迺知交情一貧一富迺知交態一貴一賤交情乃見

### 瓊靖二妙

### 岳湛連璧



晉書衛瓘字伯玉河東安邑人武帝時拜尚書令加侍中性嚴整以法御下視尚書若參佐郎若掾屬瓘學問深博明習文藝與尚書郎索靖俱善草書時號一臺二妙漢末張芝亦善草書論者謂瓘得伯英筋靖得伯英肉瓘筆勝靖然有楷法遠不能及靖靖字幼安敦煌人少有逸羣之量與鄉人汜哀張彪索紞索永俱詣大學名馳海內號稱敦煌五龍靖該博經史舉賢良對策高第累遷遊擊將軍伯英芝字也

列七

晉潘岳字安仁滎陽中牟人少以才穎見稱鄉邑號為奇童謂終賈之儔也

列七

侯湛字孝若譙國譙人幼有盛才文章宏富善構新詞美容觀與潘岳友善每行止同輿接茵京都謂之連璧岳美姿儀辭藻絕麗少時常挾彈出洛陽道婦人遇之者皆連手縈繞投之以果滿車而歸舉秀才名冠世為衆所疾棲遲十

年出為河陽令負其才鬱鬱不得志後至黃門侍郎湛舉賢良對策中第終散騎常侍

### 郤詵一枝

### 戴憑重席

列十二

晉書郤詵字廣基濟陰單父人博學多才瓌偉倜儻不拘細行州郡禮命並不應泰始中舉賢良對策上

第拜議郎遷雍州刺史武帝於東堂會送問詵曰卿自以為何如詵對曰臣舉賢良對策為天下第一猶

桂林一枝崑山片玉帝笑詵在任威嚴明斷甚得聲

列六

後漢戴憑字次仲汝南平輿人光武時舉明經試博

士後拜侍中正且朝賀百僚畢會帝令羣臣能說經者更相難詰義有不通輒奪其席以益通者憑遂重坐五十餘席故京師為之語曰解經不窮戴侍中舊



本憑作馮誤

# 鄒陽長裾

# 王符縫掖

陸列世史列二十三  
 前漢鄒陽齊人。為人有智略。慷慨不苟。合漢興諸侯。王皆自治。民聘賢。吳王濞招致四方游士。陽仕。具以文辯著名。久之。吳王以太子事。怨望。稱疾不朝。陰有邪謀。陽奏書諫。略曰。今臣盡智畢議。易精極慮。則無國不可奸。飾固陋之心。則何王之門不可曳長裾乎。然臣所以歷數王之朝。背淮千里而自致者。非惡臣國而樂具民也。竊高下風之行。尤說大王之義。願大王無忽。王不納。陽乃去。從梁孝王。卒為上客。  
 後漢王符字節信。安定臨涇人。少好學。有志操。耿介不同於俗。以此遂不得升進。乃隱居著書三十餘篇。以譏當時失得。號潜夫論。後度遼將軍皇甫規解官。

歸鄉人有以貨得鴈門大守者。亦去職還家。書刺謁。規規卧不迎。既入而問。卿前在郡。食鴈羹乎。有頃。又白。王符在門。規素聞符名。乃驚遽而起。衣不及帶。屣履出迎。援符手而還。與同坐。極歡。時人為之語曰。徒見二千石。不如一縫掖。言書生道義之為貴也。後竟不仕。

# 鳴鶴日下

# 士龍雲間

列世  
 晉書陸雲字士龍。六歲能屬文。性清靜。有才理。少與兄機齊名。雖文章不及機。而持論過之。號二陸。幼時。吳尚書閔鴻見而奇之。曰。此兒若非龍駒。是鳳雛。後舉雲賢良。具平入洛。雲與荀隱未相識。嘗會張華坐。華曰。今日相遇。可勿為常談。雲因抗聲曰。雲間陸士龍。隱曰。日下荀鳴鶴。鳴鶴隱字也。雲又曰。既開青雲。



覩白雉何不張爾弓挾爾矢隱曰本謂是雲龍駢駢  
乃是山鹿野麋獸微弩強是以發遲華撫手大笑刺  
史周俊召為從事謂人曰士龍當今之顏子也官至  
中書侍郎與機同被害初雲嘗行逗宿故人家夜暗  
迷路莫知所從忽望草中有火趣之至一家寄宿見  
一年少美風姿共談老子辭致深遠向曉辭去行十  
許里至故人家云此數十里中無人居雲意始悟却  
尋昨宿處乃王弼冢雲本無玄學自此談老殊進

## 晉宣狼顧

## 漢祖龍顏

帝紀晉宣皇帝諱欽字仲達河內溫縣孝敬里人姓司馬  
氏少聰朗多大略博學洽聞漢末大亂常慨然有憂  
天下心魏武為丞相辟為文學擢累遷相國武帝受  
禪上尊號曰宣皇帝帝內急而外寬猜忌而權變魏

武察帝有雄豪志聞有狼顧相欲驗之乃召使前行  
令反顧面正向後而身不動又嘗夢三馬同食一槽  
甚惡焉因謂太子丕曰司馬欽非人臣也必預汝家  
事太子素與帝善每相全佑故免  
前漢高祖諱邦字季沛豐邑中陽里人姓劉氏母媪  
嘗息大澤之陂夢與神遇是時雷電晦冥父大公往  
視則見交龍於上已而有娠遂產高祖隆準而龍顏  
美鬚鬣左股有七十二黑子寬仁愛人意豁如也常  
有大度不事家人生產作業

## 鮑靚記井

## 羊祜識環

列女之隱沈傳晉書鮑靚字太玄東海人年五歲語父母云本是曲  
陽李家兒九歲墮井死其父母訪問皆符驗靚學兼  
內外明天文河洛書後遷南海太守嘗見仙人陰君



授道訣百餘歲卒

晉羊祜

字叔子泰山南城人。世吏二千石。至祜九世。並以清德聞。祜年五歲時。令乳母取所弄金環。乳母曰。汝先無此物。祜即詣鄰人東垣桑樹中探得之。主人驚曰。此吾亡兒所失物。云何持去。乳母具言之。李氏悲惋。時人異之。謂李氏子即祜之前身也。祜博學能屬文。魏高貴鄉公時。公車徵拜中書侍郎。武帝有滅吳之志。以祜都督荊州諸軍。車出鎮南夏。累進征南大將軍。南城侯。卒贈太傅。初有善相墓者。言祜祖墓所有帝王氣。若鑿之。則無後。祜遂鑿之。相者見曰。猶出折臂三公。祜竟墮馬折臂。仕至公。而無子。祜樂山水。每風景必造峴山。置酒言詠。終日不倦。襄陽百姓於祜平生遊憩之所。建碑立廟。歲時享祀。望其碑者莫不流涕。杜預因名為墮淚碑。荊州人為祜諱名云。

# 仲容青雲

## 叔夜玉山

列十九 晉書阮咸字仲容。陳留尉氏人。任達不拘。與叔父籍為竹林之游。當世譏其所為。咸與籍居道南。諸阮居道北。北阮富而南阮貧。七月七日。北阮盛曬衣服。錦綺粲目。咸以竿挂大布犢鼻褌於庭。曰。未能免俗。歷散騎侍郎。妙解音律。善彈琵琶。雖處世不交人事。唯共親知。絃歌酣宴而已。荀勗每與咸論音律。自以為遠不及。疾之。出補治平太守。頽延年作五君詠。其一曰。仲容青雲器。實稟生民秀。達音何用深。識微在金奏。郭奕已心醉。山公非虛覲。屢薦不入官。一麾乃出守。列十九 晉嵇康字叔夜。有奇才。遠邁不羣。羨詞氣有風儀。而土木形骸。不自藻飾。人以為龍章鳳姿。天質自然。恬靜寡欲。含垢匿瑕。寬簡有大量。博



覽該通長好老莊與魏宗室婚拜中散大夫所與交者唯阮籍山濤預其流者向秀劉伶阮咸王戎為竹林之遊世所謂竹林七賢也戎與叔夜居山陽二十一年未嘗見其喜愠之色世說曰叔夜之為人岳岳若孤松之獨立其醉也傀俄若玉山之將頽

### 毛義奉檄

### 子路負米

後漢毛義字少節廬江人家貧以孝行稱南陽張奉慕其名往候之坐定而府檄適至以義為守令義奉檄而入喜動顏色奉者志尚士也心賤之自恨來固辭而去及義母死去官行服數辟公府為縣令進退必以禮後舉賢良公車徵不至張奉歎曰賢者固不可測往日之喜乃為親屈所謂家貧親老不擇官而仕者也章帝下詔褒寵義賜穀千斛常以八月長吏

問起居加賜羊酒壽終于家

家語仲由字子路見孔子曰負重涉遠不擇地而休家貧親老不擇祿而仕昔由事二親之時常食藜藿之實為親負米百里之外親沒之後南遊於楚從車百乘積粟萬鍾累茵而坐列鼎而食願欲食藜藿為親負米不可得也子曰由也事親可謂生事盡力死事盡思者也

### 江革巨孝

### 王覽友弟

後漢江革字次翁齊國臨淄人少失父獨與母居遭亂負母逃難備歷阻險常採拾以為養數遇賊或劫欲將去革輒涕泣言有老母辭氣愿款有足感動人者賊不忍犯之革轉客下邳窮貧裸跣行傭以供母建武末與母歸鄉里至歲時縣當案比革以母老不



欲搖動自在轅中輓車不用牛馬由是鄉里稱江巨  
孝及母終舉賢良方正遷司馬長史蕭宗崇禮之拜  
諫議大夫賜告歸因謝病常以八月長吏存問致羊  
酒以終厥身巨孝之稱行於天下舊本巨作忠非  
列晉王覽字玄通母朱遇兄祥無道覽年數歲見祥被  
楚撻輒涕泣抱持每諫其母母少止凶虎朱屢以非  
理使祥覽輒與俱又虎使祥妻覽妻亦趨而共之朱  
患之乃止祥喪父後漸有時譽朱深疾之蜜使酖祥  
覽知之徑起取酒祥疑其有毒爭而不與朱遽奪反  
之自後朱賜祥饌覽輒先嘗覽孝友恭恪名亞於祥  
仕至光祿大夫門施行馬

## 蕭何定律

## 叔孫制禮

漢列九史世家卷之三十一  
前漢高祖初入關約法三章曰殺人者死傷人及盜

抵罪蠲削煩苛秦民大悅其後四夷未附兵革未息  
三章之法不足以禦姦於是相國蕭何擿摭秦法取  
其宜於時者作律九章高祖布衣時何數以吏事護  
高祖高祖為沛公何嘗為丞督事沛公至咸陽諸將  
皆爭走金帛財物之府分之何獨先入收秦丞相御  
史律令圖書藏之沛公具知天下阨塞戶口多少強  
弱處民所疾苦者以何得秦圖書也高祖即位論功  
行封以何功最盛先封鄼侯  
史列九史世家卷之三十一  
前漢叔孫通薛人秦時以文學待詔博士降漢拜博  
士魏稷嗣君漢王為皇帝悉去秦儀法為簡易羣臣  
飲爭功醉或妄呼拔劍擊柱上益饜之通說上願徵  
魯諸生與臣弟子共起朝儀頗采古禮與秦儀雜就  
之上使徵魯諸生與其弟子為綿蕪野外習之月餘  
通曰上可試觀七年長樂宮成諸侯羣臣朝十月行



禮畢置酒以尊卑次起上壽觴九行謁者言罷酒御史執法舉不如儀者輒引去竟朝無敢喧譁失禮者帝曰吾乃今日知為皇帝之貴也拜通為奉常賜金五百斤

### 葛豐刺舉

### 息躬歷詆

列傳十七前漢諸葛豐字少季琅邪人以明經為郡文學特立剛直元帝擢為司隸校尉刺舉無所避京師為之語曰問何闊逢諸葛上嘉其節加稱光祿大夫列傳十五前漢息躬字子微河內河陽人少為博士弟子受春秋通覽記書哀帝擢光祿大夫給事中上疏歷詆公卿大臣曰方今丞相王嘉徒而蓄縮不可用御史大夫賈延墮弱不任職左將軍公孫祿司隸鮑宣皆外有直項之名內實駭不曉政事諸曹以下僕慙不

足數卒有強弩圍城長戟指闕陛下誰與備之

### 管寧割席

### 和嶠專車

世說管寧字幼安與華歆共園鋤菜見地有金寧揮鋤與瓦石不異歆捉而擲之又嘗同席讀書有乘軒冕過門者寧讀書如故歆廢書而看寧割席分坐曰子非吾友也寧歆邴原俱遊學三人相善故時人號為一龍謂寧為龍頭原為龍腹歆為龍尾

列傳五晉和嶠字長輿汝南西平人少有風格厚自崇重有盛名於世朝野許其能整風俗理人倫屢徵見而歎曰嶠森森如千丈松雖礫硠多節目施之大廈有棟梁之用累遷中書令武帝深器遇之舊監令共車入朝時荀勗為監嶠鄙其為人以意氣加之每同乘高抗專車而坐乃使監令異車自嶠始也



時苗留犢

羊續懸魚

魏略時苗字德胃鉅鹿人少清白為人疾惡建安中為壽春令行風靡其始之官乘薄輦車黃犢牛布被囊歲餘牛生一犢及去留其犢謂主簿曰令來時本無此犢犢是淮南所生時人皆以為激然由是名聞天下後遷中郎將後漢羊續字興祖太山平陽人為南陽太守班宣政令候民病利百姓歎服常敝衣薄食車馬羸敗府丞嘗獻其生魚續受而懸之於庭後又進之續乃出前所懸者以杜其意靈帝欲以為太尉時拜三公者皆輸東園禮錢千萬令中使督之名為左騶其所之往輒迎致禮敬厚加贈賂續乃坐使於單席舉緼袍示之曰臣所資唯斯而已以此故不登公位

樊噲排闥

辛毗引裾

前漢樊噲沛人以屠狗為事從高祖定天下以功封舞陽侯帝嘗病惡見人卧禁中詔戶者無得入羣臣羣臣絳灌等莫敢入十餘日噲乃排闥直入大臣隨之上獨枕一官者卧噲等流涕曰始陛下與臣等起豐沛定天下何其壯也今天下已定又何憊也且陛下疾甚不見臣等計事顧獨與一官者絕乎且獨不見趙高之事乎帝笑而起初帝已定關中項王至怒欲攻之帝從百餘騎見羽鴻門亞父范增令項莊拔劍舞欲擊帝項伯常屏蔽之噲聞事急持盾直入怒甚羽壯之賜以卮酒彘肩噲飲酒拔劍切肉食之曰臣死且不辭豈特卮酒乎帝如廁麾噲出獨騎馬噲等步從山下走歸霸上軍是日微噲幾殆



魏志辛毘字佐治潁川陽翟人文帝踐阼遷侍中帝欲徙冀州士家十萬戶實河南時連蝗民飢郡司以為不可而帝意甚盛毘與朝臣俱求見帝知其欲諫作色以見之皆莫敢言毘曰陛下不以臣不肖置之左右廁之謀議之官安得不與臣議臣所言非私乃社稷之慮也帝不荅起入內毘隨而引其裾帝遂奮衣不還良久乃出曰卿持我何太急邪毘曰今徙既失民心又無以食帝遂徙其半嘗從帝射雉帝曰射雉樂哉毘曰於陛下甚樂郡下甚苦帝默然後遂乃為之稀出終衛尉

### 孫楚漱石

### 郝隆曬書

晉書孫楚字子荆太原中都人才藻卓絕爽邁不羣多所陵傲欽鄉曲之譽年四十餘始參鎮東軍事終

馮翊太守初楚少時欲隱居謂王濟曰當欲枕石漱流誤云漱石枕流濟曰流非可枕石非可漱楚曰所以枕流欲洗其耳所以漱石欲厲其齒  
世說郝隆七月七日出日中仰卧問其故曰我曬腹中書也

### 枚臯詣闕

### 充國自贊

前漢枚臯字少孺至長安上書北闕自陳枚乘之子始乘死詔問乘子無能為文者乘在梁時取臯母為小妻及東歸臯母不肯隨留與母居上得大喜召入見待詔因賦殿中詔使賦平樂觀善之拜為郎使匈奴臯不通經術諛笑類俳倡為賦頌好嫚戲以故得

媒贖貴幸比東方朔郭舍人等  
前漢趙充國字翁孫隴西上邽人善騎射補羽林為人沉勇有大略少好將師之節而學兵法通知四夷



事宜帝時為後將軍封營平侯神爵初諸羗背叛犯塞時充國年七十餘上老之使御史大夫丙吉問誰可將者充國對曰亡踰於老臣者臣願馳至金城圖上方略充國常以遠斥候為務行必為戰備止必堅營壁尤能持重愛士卒先計而後戰遂至西部都尉府日饗軍士士皆欲為用虜數挑戰充國堅守捕得生口言羗豪相責曰語汝亡反今天子遣趙將軍來年八九十矣善為兵今請欲一鬪而死可得邪充國引兵至先零虜奔車重赴水溺死者數百降斬五百餘後罽犂不煩兵而下遂上屯田便宜十二事上聽其計後罷屯兵振旅而還乞骸骨賜安車駟馬黃金罷就第每有四夷大議常與參兵謀問籌策薨謚壯侯初充國以功德與霍光等列畫未央宮成帝時西羗有警上思將師之臣追羨充國廼召黃門郎楊雄

即圖畫而頌之

## 王衍風鑒

## 許劭月旦

<sup>列十三</sup>晉書王衍字夷甫神情明秀風姿詳雅嘗造山濤既去濤目送之曰何物老嫗生寧馨兒然誤天下蒼生者未必非此人武帝聞其名問其從兄戎曰夷甫當世誰比戎曰未見其比當從古人中求耳補元城令終日清談縣事亦理衍有盛才羨兒明悟若神常自比子貢聲名籍甚喜空言惟談老莊為事每捉玉柄麈尾與手同色議理有所不安隨即改更世號口中雌黃朝野翕然謂之一世龍門累居顯職後進景慕歷尚書令及石勒寇京師以衍都督征討諸軍事遷大尉眾共推為元師舉軍為勒所破衍欲求自免勸勒稱尊號勒怒曰君名蓋四海身居重任少壯登朝



至於白首何得言不豫世事邪使人夜拊墻填殺之  
王戎謂王衍神姿高徹如瑤林瓊樹自然是風塵表  
物王敦曰夷甫處衆中如珠玉在瓦石間顧愷作畫  
贊亦稱衍巖巖清峙壁立千仞其爲人所尚如此  
後漢許劭字子將汝南平輿人少峻名節好人倫多  
所賞識時郭太亦知人故天下言拔士者稱許郭曹  
操微時常卑辭厚禮求爲己目劭鄙其人曰君清平  
之姦賊亂世之英雄操大悅而去初劭與從兄靖俱  
有高名好共覈論鄉黨人物每月輒更其品題故汝  
南俗有月且評焉舉方正敦樸不就兄厦亦知名汝  
南稱平輿淵有二龍焉

### 賀循儒宗

### 孫綽才冠

列北晉書賀循字子先會稽山陰人操尚高厲童齒不羣

言行進止必以禮讓建武初爲中書令加散騎常侍  
固辭改拜太常朝廷疑滯皆諮之循輒依經禮而對  
爲世儒宗  
晉書孫綽字興公馮翊太守楚之子博學善屬文居  
會稽遊放山水十餘年絕重張衡左思賦每云三都  
二京五經之鼓吹也嘗作天台賦辭致甚工初成  
以示友人范榮期云卿賦擲地當作金石聲榮期曰  
恐此金石非中宮商然每至佳句輒云應是我輩語  
除著作郎後轉廷尉卿綽少以文才稱于時文士綽  
爲其冠溫王郗庾諸公薨必須綽爲碑文然後刊石  
焉

### 太叔辯洽

### 摯仲辭翰

列二十一晉書摯虞字仲洽京兆長安人才學通博著述不倦



舉賢良策為下第拜中郎武帝詔會東堂策問對畢擢太子舍人歷太常卿虞性愛士人有表薦者常為其辭東平太叔廣樞機清辯廣談虞不能對虞筆廣不能答更相唾笑紛然於世云

### 山濤識量

### 毛玠公方

列十三  
晉書山濤字巨源河內懷人少有器量介然不羣年四十始為郡上計擢舉孝廉武帝時遷吏部尚書前後選舉周徧內外並得其才官至右僕射贈司徒初濤布衣家貧謂妻韓氏曰忍飢寒我後當作三公但不知卿堪公夫人不耳及居榮貴貞慎儉約裴楷有知人鑒嘗謂濤若登山臨下幽然深遠王戎亦目濤如璞玉渾金人皆欽其實莫知名其器梁任昉為范雲讓尚書吏部表云在魏則毛玠公方居晉則山濤

### 識量以臣况之一何遼落

魏志毛玠字孝先陳留平丘人魏太祖為相玠嘗為東曹掾與崔琰並典選舉其舉用皆清正士雖有盛名而行不由本者終莫得進務以儉率人由是士以廢節自勵雖貴寵之臣輿服不敢過度太祖歎曰用人如此使天下自治吾復何為哉文帝為五官將親自詣玠屬所親眷答曰老臣以能守職幸得免矣今所說人非遷次是以不敢奉命請謁不行時人憚之初太祖平柳城班所獲器物特以素屏風素馮几賜玠曰君有古人之風故賜君古人之服玠居顯位常布衣蔬食賞賜以振施貧族魏國初建為僕射復與選舉時太子未定而臨菑侯植有寵玠密諫曰近者袁紹以嫡庶不分覆宗滅國廢立大事非所宜聞後太祖目指曰此古所謂國之司直我之周昌也



表盜卻坐

衛瓘撫牀

史列四十一漢列十九  
前漢表盜字絲安陵人孝文時為中郎將上幸上林  
皇后慎夫人從其在禁中常同坐及坐郎署盜引卻  
夫人坐夫人怒不肯坐上亦怒起盜因前說曰臣聞  
尊卑有序則上下和今陛下既已立右夫人廼妾妾  
主豈可同坐哉且陛下幸之則厚賜之陛下所以為  
慎夫人適所以禍之也獨不見人豕乎上廼說入語  
慎夫人夫人賜盜金五十斤然亦以數諫不得久居  
中  
晉書衛瓘字伯玉河東安邑人武帝時遷司空為政  
清簡甚得朝野聲譽惠帝為太子朝臣咸謂純質不  
能親政事瓘每欲陳啓發之而未敢發後會宴陵雲  
臺瓘託醉因跪帝床前曰臣欲有所啓欲言而止者

三因以手撫床曰此座可惜帝悟因謬曰公真大醉  
邪瓘不復有言賈右由是怨之後告老進位大保就  
第惠帝立以瓘錄尚書事賈右素怨瓘且忌其方直  
不得騁已淫虐啓帝作詔免瓘官遂被害

于公高門

曹參趣裝

列四十一  
前漢于定國字曼倩東海郟人其父于公為縣獄吏  
郡決曹決獄平羅文法者于公所決皆不恨郡中為  
之生立祠始其閭門壞父老方共治之于公謂曰少  
高大閭門令容駟馬高蓋車我治獄多陰德未嘗有  
所冤子孫必有興者至定國宣帝時為丞相封西平  
侯子永為御史大夫封侯傳世云  
前漢曹參沛人從高祖有功割符封平陽侯高祖以  
長子肥為齊王以參為相國九年齊國安集大稱名



相蕭何薨參聞之告舍人趣治行吾且入相居無何  
果召參參代何為相舉事無所變更一遵何之約束  
參薨百姓歌之曰蕭何為相講若畫一曹參代之守  
而勿失載其清淨民以寧一

### 庶女振風

### 鄒衍降霜

淮南子曰庶女告天雷電下擊景公臺隕支體傷折  
海水大出許慎曰庶賤之女齊之寡婦無子不嫁事  
姑謹敬姑無男有女女利母財令母嫁婦婦終不肯  
女殺母以誣婦不能自明寃結告天  
燕鄒衍事燕惠王左右譖之被繫於獄仰天而哭盛  
夏天為之降霜江淹書曰昔者賤臣叩心飛霜擊於  
燕地庶女告天振風襲於齊堂

### 范冉生塵

### 晏嬰脫粟

後漢范冉字史雲 後漢范冉字史雲，後漢 饑陳留外黃人，受業通經，好違  
時絕俗，為激詭之行。常慕梁伯鸞，閔仲叔之為人。桓  
帝時為萊蕪長，遭母憂，不到官。後辟大尉府，以狷急  
常佩韋於朝，議者欲以為侍御史，因遁逃。梁沛間賣  
卜於市，遭黨人禁錮，遂推鹿車載妻子，捃拾自資，或  
寓息客廬，或依宿木陰。如此十餘年，乃結草室而居。  
有時米粒盡，常自若。閭里歌之曰：甑中生塵，范史雲。  
釜中生魚，范萊蕪。  
韓子春秋曰  
晏嬰字平仲，為齊相，常食脫粟米，不重味。

### 詰汾興魏

### 鼈令王蜀

北史魏聖武皇帝諱詰，汾嘗田於山澤，見輜駟自天。



而下既至見羨婦人自稱天女受命相偶且日請還期年周時復會于此言終而別及期帝至先田處果見天女以所生男授帝曰此君之子也當世為帝王語訖而去即始祖神元皇帝也故時人諺曰詰汾皇帝無婦家力徵皇帝無舅家力徵神元諱蜀王本記曰荆人鼈令死其屍流亡隨江水上至成都見蜀王杜宇立以為相杜宇號望帝自以德不如鼈令以其國禪之開明帝下至五代有開明尚始去帝號復稱王

### 不疑誣金

### 千和泣玉

史列四十三漢列十六前漢直不疑南陽人為郎事文帝其同舍郎有告歸誤持其同舍郎金去已而同舍郎覺亡意不疑不疑謝有之買金償後告歸者至而歸金亡金郎大慙以

此稱為長者稍遷中大夫朝廷見人或毀曰不疑狀兒甚羨然善盜嫂何也不疑聞曰我乃無兄然終不自明景帝末為御史大夫韓非子曰楚人和氏得玉璞楚山中奉獻厲王王使玉人相之曰石也王以和為詐而刑其左足及武王即位和又獻之王使玉人相之又曰石也王又以和為詐而刑其右足文王即位和乃抱其璞而哭於楚山之下三日三夜泣盡而繼之以血王聞之使人問其故曰天下之刑者多矣子奚哭之悲和曰吾非悲刑也悲夫寶玉而題之以石貞士而名之以詐此吾所以悲也王乃使玉人理其璞而得寶焉遂命曰和氏之璧

### 檀鄉沐猴

### 謝尚鵠鵠



前漢平恩侯許伯入第丞相御史將軍中二千石皆賀蓋寬饒為司潁校尉不行許伯請之廼往酒酣樂作長信少府擅長卿起舞為沐猴與狗鬪坐皆大笑寬饒不說因起趨出劾奏長信少府以列卿而作沐猴舞失禮不敬宣帝欲罪少府許伯為謝廼解寬饒字次公魏郡人明經以孝廉為郎舉方正對策高第為人剛直高節志在奉公然刻深喜陷害人又好言刺譏奸犯上意時上方用刑法信任宦官寬饒奏曰事方今聖道廢儒術不行以刑餘為用召以法律為詩書又引韓氏易傳言五帝官天下三王家天下家以傳子官以傳賢若四時之運功成者去上以其怨讟遂下吏自剄

晉謝尚字仁祖八歲神悟夙成其父鯤嘗攜之送客或曰此兒一座之顏回也尚曰坐無尼父焉別顏回

席賓歎異及長善音樂博綜衆藝王導比之王戎長呼為小安豐辟為掾始到府通謁導以其有勝會謂曰聞君能作鷓鴣舞一座傾想尚便著衣憤而舞導令坐者撫掌擊節尚俯仰其中旁若無人其率詣如此終衛將軍散騎常侍

太初日月

季野陽秋

魏志夏侯玄字太初沛國譙人少知名弱冠為黃門侍郎嘗進見與皇后弟毛曹並坐玄耻之不悅形於色明帝恨之左遷羽林監世說曰曹與玄共坐時人謂蒹葭倚玉樹又云朗朗如日月之入懷

晉褚衷字季野河南陽翟人康獻皇后父也少有簡貴之風與杜乂俱有盛名冠于中興桓彝目之曰季野有皮裏陽秋言其外無臧否而內有所褒貶也謝



安亦雅重之常云衷雖不言而四時之氣亦備矣任至征北大將軍

### 荀陳德星

### 李郭仙舟

異死陳寔字仲弓荀淑字季和仲弓與諸子姪造季和父子討論于時德星聚太史奏曰五百里內有賢人聚

後漢郭太字林宗太原界休人家世貧賤博通墳籍善談論美音制遊洛陽始見河南尹李膺膺大奇之遂相友善名震京師後歸鄉里諸儒送至河上車數千兩林宗唯與膺同舟而濟賓客望之以為神仙焉

### 王忱綉被

### 張氏銅鈎

後漢王忱字少林廣漢新都人嘗詣京師於空舍中

見一書生金茂疾困憊而視之生曰我命在須臾腰下有金十斤願相贈死後乞藏骸骨已而命絕忱鬻一斤營葬餘悉置棺下人無知者忱後署大度亭長初到有馬馳入亭中而止其日大風飄一綉被復墮忱前即言之於縣縣以歸忱後乘馬到雒縣主人見之問所由得馬忱具說其狀并及綉被主人曰卿何陰德而致此忱因說葬書生事主人驚曰是我子也大恩又不報天以此彰卿德耳由是顯名仕郡為功曹  
三輔決錄扶風張氏之先為郡功曹晨起當朝有鳩從盛塵上飛下几前功曹曰鳩何來為禍飛上盛塵為福飛入我懷開懷待之鳩乃飛入懷中探得銅鈎帶之官至數郡太守九卿有蜀客至長安私賂張氏婢婢賣鈎與蜀客客家喪禍懼而還張氏張氏得鈎復為二十石後失鈎張氏遂衰



丁公遽戮

雍齒先侯

史列四下漢列七  
 前漢丁公薛人季布母弟為項羽將逐窘高祖彭城西短兵接高祖急顧謂丁公曰兩賢豈相危哉丁公引兵還及項羽滅丁公謁見高祖以丁公徇軍中曰丁公為項王臣不忠使項王失天下者也遂斬之曰使後為人臣無效丁公也

漢列十  
 前漢高祖居雒陽南宮從復道望見諸將往往偶語上問張良良曰陛下起布衣與此屬取天下今已為天子而所封皆蕭曹故人所親愛所誅者皆平生仇怨此屬畏陛下不能盡封又恐見疑過失及誅故相聚謀反耳上平生所憎羣臣所共知誰最甚者上曰雍齒與我有故怨數窘辱我我欲殺之為功多不忍良曰今急先封齒以示羣臣則人人自堅矣於是上

置酒封齒為什方侯而急趨丞相御史定功行封羣臣罷酒皆喜曰雍齒且侯我屬無患矣

陳雷膠漆

范張雞黍

列七十二德行傳  
 後漢陳重字景公豫章宜春人少與鄱陽雷義為友義字仲公太守舉重孝廉重以讓義太守不聽義明年舉孝廉俱在郎署後俱拜尚書郎義代同時人受罪以此黜退重見義去亦以病免義後舉茂才讓於重不應命鄉里為之語曰膠漆自謂堅不如陳與雷三府同時俱辟並至侍御史

列七十二德行傳  
 後漢范式字巨卿山陽金鄉人少遊大學與汝南張劭為友劭字元伯二人並告歸鄉里式謂元伯曰後二年當還將過拜尊親見孺子焉乃共冠期日後期方至元伯具以白母請設饌以候之母曰二年之別



千里結言爾何相信之審對曰臣卿信士必不乖違  
母曰若然當為爾醢酒至其日臣卿果到升堂拜飲  
盡歡而別舊注引殺雞炊黍事無載

## 周侯山疑

## 會稽霞舉

世說曰世目周侯疑如斷山注晉陽秋曰顛正情疑  
然雖一時儕類皆無敢媒近周侯謂周顛也  
世說曰海西時諸公每朝朝堂猶暗唯會稽王來軒  
軒如朝霞舉會稽王謂道子也

## 季布一諾

## 阮瞻三語

史記季布傳  
前漢季布楚人任俠有名項籍使將兵數窘高祖籍  
滅高祖購求布千金敢有舍匿罪三族布匿漢陽周  
氏周氏廼髡鉗布衣褐置廣柳車中并與其家僮數

十之魯朱家所賣之朱家心知其季布也乃見汝陰  
侯滕公說曰季布何罪臣各為其主用職耳項氏臣  
可盡誅耶今上始得天下而以私怨求一人何示不  
廣也滕公言於上上乃赦布召見拜郎中後為河東  
守布初不說辯士曹丘生生至揖布曰楚人諺曰得  
黃金百不如得季布諾足下何以得此聲梁楚之間  
哉僕與足下俱楚人使僕游揚足下名顧不羨乎何  
距僕深也布大說引為上客史記得黃金百斤不如  
得季布諾

晉阮瞻字千里始平太守咸之子性清虛寡欲自得  
於懷讀書不甚研求而默識其要遇理而辯辭不足  
而旨有餘見司徒王戎戎問曰聖人貴名教老莊明  
自然其旨同異瞻曰將無同戎咨嗟良久即命辟之  
時謂之三語掾永嘉中為太子舍人瞻素執無鬼論



自謂此理可以辨正幽明忽有客通名謁瞻瞻與之言良久及鬼神之事反覆甚苦客遂屈乃作色曰鬼神古今聖賢所共傳君何得獨言無即僕便是鬼於是變為異形須臾消滅瞻大惡歲餘病卒

## 郭文遊山

## 表宏泊渚

列傳四十四隱逸傳  
晉書郭文字文舉河內軹人少愛山水尚嘉遯每游山林彌旬忘反父母終不娶辭家游名山洛陽陷乃步擔入吳興餘杭大辟山中窮谷無人之地倚木於樹苔覆其上而居焉亦無壁障時猛獸為暴而文獨宿十餘年卒無患常著鹿裘葛巾不飲酒食肉王導召置園中七年未嘗出入後逃歸臨安結廬山中  
列傳十二  
晉表宏字彥伯陳郡陽夏人有逸才文章絕美謝尚時鎮牛渚秋夜乘月與左右微服泛江會宏在舫中

諷詠聲清辭文藻拔遣問焉即迎舴舺舟與譚論申且不寐自此名譽日茂謝安常賞其機對辨速後安為陽州刺史宋出為東陽郡乃祖道於冶亭時賢皆集安欲以卒迫試之臨別執其手顧左右取一扇授之曰聊以贈行宏曰輒當奉揚仁風慰彼黎庶時人歎其率而要焉

## 黃琬對日

## 秦宓論天

列傳五十一  
後漢黃琬字子琰江夏安陸人少辨惠祖父瓊初為魏郡太守建和元年正月日食京師不見瓊以狀聞大右詔問所食多少瓊對未知所况琬年七歲在旁曰何不言日食之餘如月之初瓊大驚以其言應詔深竒愛之後瓊為司徒琬以公孫拜童子郎不就知名京師獻帝初遷大尉坐免及徙西都起為司隸校



尉與司徒王允同謀誅董卓為車將季霍所害  
蜀志秦宓字子勅廣漢綿竹人少有才學拜長水校  
尉具遣使張溫來聘百官往餞眾集而宓未往丞相  
亮遣使促之溫曰彼何人也亮曰益州學士也及至  
溫問曰君學乎宓曰五尺童子皆學何必小人溫復  
問曰天有頭乎宓曰有在西方詩曰乃眷西顧以此  
推之溫曰天有耳乎宓曰天處高而聽卑詩云鶴鳴  
九臯聲聞于天無耳何以聽之溫曰天有足乎宓曰  
詩云天步艱難無足何以步之溫曰天有姓乎宓曰  
姓劉天子姓劉以此知之溫曰日生於東乎宓曰雖  
生於東而沒於西答問如響應聲溫大敬服宓之文  
辨皆此類舊本宓誤作宓

### 孟軻養素

### 楊雄草玄

列傳

史記孟軻鄒人受業子思之門學道既通游事齊宣  
王梁惠王皆不能用以為迂遠而闊於事情是時天  
下方務合從連衡以攻伐為賢而孟軻乃述唐虞三  
代之德是以所如者不合退而與萬章之徒序詩書  
述仲尼之意作書七篇嘗曰我善養吾浩然之氣  
前漢楊雄字子雲蜀郡成都人有田一壥有宅一區  
世世以農桑為業雄少而好學不為章句訓詁通而  
已博覽無所不見為人簡易佚蕩口吃不能劇談默  
而好深湛之思清靜亡為少耆欲不汲汲於富貴不  
戚戚於貧賤不修廢隅以徼名當世家產不過十金  
乏無儋石之儲晏如也自有大度非聖哲之書不好  
非其意雖富貴不事哀帝時丁傳董賢用事諸附离  
之者或起家至二千石時雄方草太玄有以自守泊  
如也或譎雄以玄尚白雄解之魏曰解譎客有難云



太深衆人之不好雄解之號曰解難

### 向秀聞笛

### 伯牙絕絃

列十九 晉書向秀字子期河內懷人清悟有遠識少為山濤所知雅好老莊之學莊周內外篇歷世雖有觀者莫適論其旨統秀乃為之解發明奇趣振起玄風讀之者超然心悟郭象又述而廣之儒墨之迹見鄙道家之言遂盛焉嵇康善鍛秀為之佐相對欣然旁若無人康誅秀入洛作思舊賦云嵇博綜伎藝於絲竹特妙臨當就命顧視日影索琴而彈之逝將西邁經其舊廬于時日薄虞泉寒水淒然鄰人有吹笛者發聲寥亮追想曩者游宴之好感音而歎故作賦云後為散騎常侍在朝不任職容迹而已

列子曰伯牙善鼓琴鐘子期善聽伯牙鼓琴志在高山子期曰善哉哉我乎若泰山志在流水子期曰善哉洋洋兮若江河伯牙所念子期必得之呂氏春秋曰鐘子期死伯牙破琴絕絃終身不復鼓琴以為無足為鼓者

### 郭槐自屈

### 南郡猶憐

列十 晉書賈充字公閻平陽襄陵人前妻李豐女豐誅李氏坐流徙後娶郭槐號廣城君武帝踐阼李以赦還特詔充置左右夫人郭槐性妬忌怒攘袂數充曰判定律令為佐命之功我有其分李那得與我並充乃為李築室於永平里而不往來惠帝為太子納槐女為妃初槐欲省李氏充曰彼有才氣卿往不如不往及女為妃乃盛威儀而去既入戶李氏出迎槐不覺脚屈因遂再拜自是充每出槐使人尋之恐其過李



氏李氏淑羨有才行作女訓行於世舊本槐作隗非  
世說曰桓温尚明帝女南康公主温平蜀以李勢妹  
為妾甚有寵嘗著別齋後主聞與數十婢拔刃襲之  
值李梳頭髮垂地姿兒端麗乃徐下地結髮歛手向  
主曰國破家亡無心至此今日若能見殺猶生之年  
神色閑正辭氣悽惋主於是擲刀前抱之曰我見汝  
亦憐何況老奴遂善遇之

魯恭馴雉  
宋均去獸

後漢魯恭字仲康扶風平陵人肅宗時拜中牟令專  
以德化為理不任刑法郡國螟傷稼犬牙緣界不入  
中牟河南尹袁安聞之疑其不實使仁恕掾肥親往  
察之恭隨行阡陌俱坐桑下有雉過止其傍傍有童  
兒親曰兒何不捕之兒言雉方將雛親瞿然起與恭

訣曰所以來者欲察君政迹耳今蟲不犯境化及鳥  
獸豎子有仁心三異也還府以狀白安是歲嘉禾生  
恭便坐廷中安上書言狀帝異之在事三年州舉尤  
異去官吏人思之後為司徒性謙退奏議依經潛有  
補益然不自顯故不以剛直為稱  
後漢宋均字叔庠南陽安衆人光武時遷九江太守  
郡多虎暴數為民患常募設檻穽猶多傷害均到下  
記屬縣曰夫虎豹在山鼃鼃在水各有所記且江淮  
之有猛獸猶北土之有雞豚也今為民害各在殘吏  
而勞勤張捕非憂恤之本可一去檻穽其後傳言虎  
相與東游度江

廣客蛇影  
殷師牛鬪

晉書樂廣字彥輔南陽滎陽人遷河南南尹常有親客

說



久闕不復來。廣問其故。荅曰：前在坐蒙賜酒，方飲忽見盃中有蛇，意甚惡之。既飲而疾，于時河南聽事壁上有角弓，漆畫作蛇。廣意盃中蛇即角弓影也。復置酒於前，處謂客曰：盃中復有所見，不荅曰：所見如初。廣乃告其所以，客豁然意解。沉痾頓愈。廣所在為政，無當時功譽，每去職，遺愛為人所思。凡論人必先稱其所長，則所短不言而自見。後代王戎為尚書令，始

戎薦廣而終踐其位，時人羨之。

晉殷仲堪，陳郡人。父師，晉陵太守。初，師病積年，仲堪衣不解帶，躬學醫術，究其精妙，執藥揮淚，遂眇一目。居喪毀，以孝聞。孝武帝召為中庶子，甚相親愛。其父嘗患耳聾，聞牀下蟻動，謂之牛鬪。帝素聞之，而不知其人。至是問仲堪，曰：患此者為誰？仲堪流涕而起，曰：臣進退惟谷，帝有愧焉。仲堪能清言，每云三日不讀

道德論，便覺舌本間疆。其談理與韓康、伯齊名。後假節鎮江陵，為桓玄追兵逼殺。

## 元禮模楷

### 季彥領袖

列五十七黨類傳後漢李膺字元禮，潁川襄城人。性簡亢，無所交接。舉

孝廉。高第遷河南尹。及黨議起，流言轉入大學。諸生三萬餘人，郭林宗、賈偉節為其冠，並與膺陳蕃、王暢更相褒重。學中語曰：天下模楷李元禮，不畏疆禦。陳仲舉，天下俊秀。王叔茂，時張成善風角，推占當赦。教子殺人，膺按殺之。其弟子上，書告膺等，共為部黨。誅訕朝廷，桓帝震怒，逮捕黨人，收執膺等。後赦歸田里，禁錮終身。而黨名猶書王府。由是海內共相標榜，指名士為之稱號。上曰：三君次曰八俊，八顧，八及，八厨。猶古之八元、八凱也。膺拜司隸校尉，諸黃門常侍皆



鞠躬屏氣休沐不敢復出宮省是時朝廷網紀頽弛  
膺獨持風裁以聲名自高士有被其容接者名為登  
龍門靈帝時曹節諷有司奏捕前黨皆死獄中  
晉裴秀字季茂河東聞喜人少好學有風操八歲能  
屬文叔父徽有盛名賓客甚衆秀年十餘歲有詣徽  
者出則過秀秀母賤嫡母宣氏不之禮嘗使進饌於  
客見者皆為之起母曰微賤如此當應為小兒故也  
宣氏知遂止時人為之語曰後進領袖有裴秀武帝  
時為司空秀儒學洽聞留心政事以職在地官作禹  
貢地域圖奏之藏於秘府制圖之體有六一曰分率  
所以辨廣輪之度二曰準望所以正彼此之體三曰  
道里所以定所由之數四曰高下五曰方邪六曰迂  
直此三者各因地而制宜所以校夷險之異

### 魯褒錢神

### 崔烈銅臭

列之古晉書魯褒字元道南陽人好學多聞以貧素自立元  
康之後綱紀大壞褒傷時貪鄙乃隱姓名而著錢神  
論以刺之其略曰親之如兄字曰孔方失之則貧弱  
得之則富昌無翼而飛無足而走解嚴毅之顏開難  
發之口錢多者處先少者居後錢之所祐吉無不利  
何必讀書然後富貴昔呂公欣悅於空版漢高克之  
於羸二文君解布裳而被錦綉相如乘高蓋而解犢  
鼻官尊名顯皆錢所致無德而尊無勢而熱排金門  
而入紫闥危可使安死可使活貴而可使賤生可使  
殺諺曰錢無耳可使鬼凡今之人唯錢而已疾時者  
傳其文後莫知所終

後漢崔烈

涿郡安平人

有重名於北州歷郡守九卿



靈帝時開鴻都門榜賣官爵公卿以下皆有差富者先入錢貧者到官而後倍輸或因常侍阿保別自通達是時段熲等雖有功勳名譽然皆先輸貨財而後登公位烈因傳母入錢五百萬為司徒嘗問其子鈞曰吾居三公於議者如何鈞曰大人少有英稱歷位卿守人謂當為三公今登其位天下失望烈曰何為然也鈞曰論者嫌其銅臭後拜大尉董卓既誅拜城門校尉

### 梁竦庶食

### 趙溫雄飛

列十四後漢梁竦字叔敬安定烏氏人閉門自養以經籍為娛著書數篇名曰七序班固見而稱曰孔子著春秋而亂臣賊子懼梁竦作七序而竊位素餐者慙竦自負其才鬱鬱不得意嘗登高遠望歎息言曰大丈夫

居世生當封侯死當庶食如其不然閑居可以養志詩書足以自娛州郡之職徒勞人耳後辟命不就肅宗納其二女皆為貴人小貴人生和帝竇皇后養以為子諸竇恐梁氏得志為已害遂譖殺二貴人而陷竦以惡逆死獄中和帝立追封褒親愍侯

列十七後漢趙溫字子柔蜀郡成都人初為京兆郡丞歎曰大丈夫當雄飛安能雌伏遂弃官去歲飢散家糧振窮餓所活萬餘人獻帝西遷遂為三公

### 枚乘蒲輪

### 鄭均白衣

列八前漢枚乘字叔則淮陰人為吳王濞郎中王謀為逆乘奏書諫王不用卒見禽滅乘由是知名景帝召拜弘農都尉乘又為大國上賓與英俊並游不樂郡吏以病去官復遊梁及孝王薨歸淮陰武帝即位乘年



老廼以安車蒲輪徵乘道死  
後漢鄭均字仲虞東平任城人少好黃老書建初中  
舉直言不諂公車特徵再遷尚書數納忠言肅宗重  
之後告歸帝東巡乃幸均舍勅賜尚書祿以終其身  
時號為白衣尚書

### 陵母伏劍

### 軻親斷機

前漢王陵沛人高祖起陵亦聚黨數千人及高祖擊  
項羽廼以兵屬漢羽取陵母置軍中陵使至則東向  
坐陵母以招陵陵母私送使者泣曰為妾語陵善事  
漢王漢王長者母以老妾故持二心妾以死送使者  
遂伏劍而死  
古列女傳鄒孟軻母其舍近墓孟子少好遊為墓間  
之事孟母曰此非吾所以居處子也乃去舍市傍其

嬉戲乃賈人術賣之事又曰此非吾所以居處子也  
復徙舍學官之旁其嬉戲乃設俎豆揖讓進退孟母  
曰真可以居吾子矣遂居及孟子既學而歸孟母問  
學所至孟子曰自若也孟母以刀斷其織曰子之廢  
學若吾斷斯織也孟子懼且夕勤學不息師事子思  
遂成名儒君子謂孟母知為人母之道

### 齊后破環

### 謝女解圍

戰國策曰齊閔王遇弒其子法章變姓名為呂大史  
家庸夫大史敷女竒其狀兒以為非常人憐而常竊  
衣食之與私焉法章立是為襄王以大史氏女為王  
后襄王卒子建立后事秦謹與諸侯信以故建立四  
十餘年不受兵始皇嘗使使者遺后王連環曰齊多  
知解此環不后以示羣臣羣臣不知解后引椎破



之謝秦使曰謹以解矣

列傳晉王凝之妻謝氏字道韞聰識有才辨叔父安嘗問詩何句最佳道韞稱吉甫作誦穆如清風仲山甫永懷以慰其心安謂有雅人深致又嘗內集俄而雪驟下安曰何所似也安兄子朗曰散鹽空中差可擬道韞曰未若柳絮因風起安大悅凝之弟獻之嘗與賓客談議詞理將屈道韞遣婢白獻之曰欲為小郎解圍乃施青綾步障自蔽申獻之前議客不能屈

### 鑿齒尺牘

### 荀勗音律

列傳晉書習鑿齒字彥威襄陽人少有志氣博學洽聞以文筆著稱荊州刺史桓溫辟為從事累遷別駕溫出征伐鑿齒或從或守所在任職每處機要莅事有績善尺牘論議溫甚器遇之出為滎陽太守時溫覬覦

非望鑿齒在郡著漢晉春秋以裁正之起漢光武終晉愍帝後徵典國史會卒初鑿齒嘗與孫綽共行綽性通率好譏調時綽在前顧鑿齒曰沙之汰之瓦石在後鑿齒曰歟之颺之糠粃在前

列傳晉荀勗字公曾潁川潁隍人漢司空爽曾孫岐嶷夙成十餘歲能屬文長博學達於從政武帝受禪拜中書監加侍中領著作與賈充共定律令既掌樂事又修律呂並行於世初勗於路逢趙賈人牛鐸識其聲及掌樂音韻未調乃曰得趙之牛鐸則諧矣遂下郡國悉送牛鐸果得諧者又嘗在帝坐進飯謂在坐人曰此勞薪所炊帝遣問膳夫實用故車脚舉世伏其明識後守尚書令勗久在中書專管機事及失之甚悵恨或有賀之者勗曰奪我鳳凰池諸君賀我耶初太子婚未定勗與左衛將軍馮紇伺帝間並稱賈充



女才色絕世遂成婚當時甚為正直者所疾而獲佞媚之譏帝素知太子闇弱恐後亂國遣勛及和嶠往觀之勛還盛稱太子之德而嶠云太子如初於是天下貴嶠而賤勛

### 胡威推謙

### 陸績懷橘

列六十二良吏傳  
晉書胡威字伯武淮南壽春人父質以忠清稱仕魏為荊州刺史威自京都定省家貧無車馬僮僕自驅驢單行既至見父而歸父賜絹一匹威曰大人清高何得此絹荅曰是吾俸祿之餘威受之辭歸卒取與質帳下都督後為徐州刺史勤於政術風化大行入朝武帝謂曰卿孰與父清對曰臣父清恐人知臣清恐人不知是臣不及遠也

列十二  
吳志陸績字公紀吳人年六歲於九江見袁術術出

橘績懷三枚去拜辭墮地術謂曰陸郎作賓客而懷橘乎績跪曰欲歸遺母術大奇之績博學多識星歷算數無不該覽孫權辟為掾以直道見憚出為鬱林太守加偏將軍績意在儒雅非其志也雖有重事著述不廢作渾天圖注易釋玄皆傳於世

### 羅含吞鳥

### 江淹夢筆

列六十二文苑傳  
晉書羅含字君章桂陽表陽人幼孤為叔母朱氏所養少有志尚嘗晝卧夢一鳥文彩異常飛入口中因起驚說之朱氏曰鳥有文彩汝後必有文章自此藻思日新江夏守謝尚稱曰君章可謂湘中之琳琅桓温以為江左之秀累遷長沙相致仕加中散大夫門施行馬初舍在官舍有一白雀栖集堂宇及還家階庭忽蘭菊叢生以為德化之感



南史江淹字文通濟陽考城人少孤貧嘗慕司馬長卿梁伯鸞之為人。不事章句之學。留情文章。仕齊爲侍中秘書監。入梁至金紫光祿大夫。淹以文章顯。晚節才思微退。云爲宣城太守時。罷歸夢一人自稱張景陽。謂曰。前以一匹錦相寄。今可見還。淹探懷中得數尺。與之。此人大恚曰。郡得割截都盡。顧見丘遲。謂曰。餘此數尺。既無所用。以遺君。自爾淹文章躓矣。又嘗夢一丈夫自稱郭璞。謂曰。吾有筆在。卿處多年。可。以見還。淹乃探懷中得五色筆一。以授之。爾後爲詞。絕無羨句。時人謂之才盡。

### 李廞清貞

### 劉麟高率

世說李廞茂曾第五子。清貞有遠操。少羸病。不肯婚。官王丞相。欲招禮之。辟爲府掾。廞得牋。命笑曰。茂弘

乃復以爵假人

晉書劉麟之字子驥。南陽人。少尚質素。虛退寡欲。不修儀操。人莫之知。好游山澤。志存遐逸。車騎將軍桓冲聞其名。請爲長史。麟之固辭。居于岐陽。來往莫不投之。麟之躬自供給。士君子頗以勞累更憚過焉。凡人致贈。一無所受。世說載麟之高率。善史傳。

### 蔣詡三逕

### 許由一瓢

前漢蔣詡字元卿。杜陵人。爲兗州刺史。以廉直爲名。王莽居攝。以病免。歸鄉里。三輔決錄曰。詡舍中竹下。開三逕。唯故人求仲。羊仲從之遊。逸士傳。許由隱箕山。無盃器。以手捧水飲之。人遺一瓢。得以操飲。飲訖。掛於木上。風吹瀝瀝。有聲。由以爲煩。遂去之。



楊僕移關

杜預建橋

列六十國史傳  
前漢楊僕宜陽人武帝時為樓船將軍初函谷關在弘農僕既有功耻為關外民上書乞徙東關以家財給其用度於是徙於新安去弘農三百里以故關為弘農縣

列四  
晉書杜預字元凱京兆杜陵人博學多通明於興廢之道常言德不可以企及立功立言可庶免也尚文帝妹高陸公主拜尚書郎武帝時拜度支尚書預以孟津渡險有覆沒之患請建河橋于富平津議者以為毀周所都歷聖賢而不作者必不可立也預曰造舟為梁則河橋之謂也及橋成帝從百僚臨會舉觴屬預曰非君此橋不成對曰非陛下之明臣亦不得施其微巧

壽王議鼎

杜林駁堯

列二十四  
前漢吾丘壽王字子贛越人為光祿大夫汾陰得寶鼎薦見宗廟藏於甘泉宮羣臣皆賀得周鼎壽王獨以為非武帝問之對曰臣聞周德始乎右稷長於公劉大於太王成於文武顯於周公德澤上昭天下漏泉無所不通上天報應鼎為周出故名曰周鼎今漢自高祖繼周至於陛下恢廓祖業功德愈盛天瑞並至珍祥畢見天祚有德而寶鼎自出迺漢鼎非周鼎也上曰善賜黃金十斤  
列  
後漢杜林字伯山扶風茂陵人拜侍御史大夫議郊祀制多以為周郊右稷漢當祀堯詔下公卿議議者命同光武亦然之林獨以為周室之興祚由右稷漢業特起功不緣堯祖宗故事所宜因循定林議終大司空



# 西施捧心

# 孫壽折腰

莊子曰西施病心而曠其眉其里之醜人見而羨之歸亦捧心而曠其眉彼知羨曠而不知曠之所以羨西施越女所謂西子也有絕世之羨越王勾踐獻之吳王夫差夫差嬖之卒至傾國後漢梁冀為大將軍其妻孫壽封襄城君加賜赤紱比長公主壽色羨善為妖態作愁眉晚粧墮馬髻折腰步齟齬笑以為媚惑性鉗忌能制御冀冀甚寵憚之及冀敗自殺

# 靈輒扶輪

# 魏顆結草

左傳曰晉靈公不君趙宣子驟諫公患之飲宣子酒伏甲將攻之公喉夫熬其車右提彌明搏殺之宣子

曰弄人用犬雖猛何為鬪且出明死之初宣子田首山舍于翳桑見靈輒病不食三日宣子食之舍其半問之曰宦三年矣未知母之存否今近焉請以遺之使盡之而為之簞食與肉寘諸橐以與之既而與公為介倒戟以禦公徒而免之問何故對曰翳桑之餓人也問其名居不告而退遂自亡也左傳曰晉魏顆武子之子初武子有嬖妾無子武士疾命顆曰必嫁是疾病則曰必以為殉及卒顆嫁之曰疾病則亂吾從其治也及敗秦師于輔氏獲杜回秦之力人也顆見老人結草以亢杜回杜回躓而顛故獲之夜夢之曰余而所嫁婦人之父也爾用先人之治命余是以報

# 逸少傾寫

# 平子絕倒



晉書王羲之字逸少司徒導從子年十三謁周顛顛異之時重牛心炙坐客未暇顛先割啗之於是始知名及長辯瞻以骨體稱尤善隸書為古今之冠太尉郗鑒使門生求女婿於導導令徧觀子弟門生歸謂鑒曰王氏諸少並佳然聞信至咸自矜持惟一人在東床坦腹食獨若不聞鑒曰正此佳婿邪訪之乃羲之也遂妻之仕至右軍將軍會稽內史世說曰郗夫人謂二弟司空中郎曰王家見二謝傾筐倒寫見汝來平平耳無煩復往二弟情與曩也二謝安石與萬石也

晉衛玠好言玄理其後多病體羸母常禁其語遇有勝日親友時請一言無不咨嗟以為入徵王澄字平子有高名少所推服每聞玠言輒歎息絕倒時人為之語曰衛玠談道平子絕倒澄及王玄王濟並有盛名皆出玠下世云王家三子不如衛家一兒兄衍有人倫之鑒尤重澄由是顯名有經澄所題目者衍不復有言輒云已經平子矣為荊州刺史為王敦所害

### 澹臺毀璧

### 子罕辭寶

博物志曰澹臺字子羽渡河齎千金之璧于河河伯欲之至陽侯波起兩鯀挾船子羽左操璧右操劍擊鯀皆死既渡三投璧于河河伯躍而歸之子羽毀而去

左傳曰宋人得玉獻諸司城子罕子罕弗受獻玉者曰以示玉人玉人以為寶故獻之子罕曰我以不貪為寶爾以玉為寶若以與我皆喪寶也不若大有其寶

### 東平為善

### 司馬稱好



後漢東平憲王蒼顯宗同母弟少好經書雅有智惠  
顯宗愛重之拜驃騎將軍位三公王既還國後朝京  
師上問王處家何等最樂王言為善最樂肅宗立恩  
禮踰於前世既薨帝東巡守幸其宮追感念蒼謂其  
子曰思其人至其鄉其處在其人亡因泣下幸其陵  
祠以大牢  
後漢司馬徽字德操潁川人口不談人之短與人語  
莫問好惡皆言好有鄉人問徽安否荅曰好有人自  
陳子死荅曰大好妻責之曰人以君有德故相告何  
忽聞人子死便言好徽曰卿言亦大好

### 公超霧市

列二十六後漢張楷字公超成都人家河南通春秋尚書門徒  
常百人自父黨夙儒偕造門車馬填街徒從無所止

### 魯般雲梯

黃門貴戚家皆起舍巷次以候過客往來之利楷疾  
其如此輒徙避之後隱弘農山中學者隨之所居成  
市華陰山南遂有公超市五府連辟舉賢良方正不  
就性好道術能作五里霧後安車聘之以疾辭  
淮南子曰楚欲攻宋墨子聞而悼之見楚王曰臣見  
大王之必傷義而不得宋王曰公輸天下之巧士作  
為雲梯之械設以攻宋曷為弗取墨子曰令公輸設  
攻臣請守之於是公輸般設攻宋之械墨子設守宋  
之備九攻而墨子九却之弗能入乃偃兵不攻公輸  
魯般也

### 田單火牛

### 江道藝雞

列二十三史記田單齊諸田疏屬也為臨淄市掾不見知及燕  
使樂毅伐破齊盡降齊城而單得脫東保即墨燕人



攻之。單乃收城中得千餘牛，為絳繒衣，畫五彩龍文，束兵刃於其角，灌脂束葦於其尾，燒其端，鑿城數十，夜縱牛，壯士五千人隨其後，牛尾熱，怒而奔，燕軍校擊之，城中鼓譟從之，老弱皆擊銅器為聲，聲動天地，燕軍大敗，遂復齊七十餘城，迎襄王於莒，王封單魏安平君。  
列傳三 晉江道字道載，陳留圉人，中軍將軍殷浩請為諮議參軍，遷長史，時羗及丁零叛，浩軍震懼，姚襄去浩十里，結營以逼浩，浩令道擊之，道進兵至襄營，謂將校曰：「今兵非不精，而衆少於羗，且其塹柵甚固，難與校力，吾當以計破之。」乃取數百鷄，以長繩連之，繫火於足，羣雞駭散，飛集襄營，營火發，因其亂而擊之，襄遂小敗，道後遷大常。

### 蔡裔隕盜

### 張遼止啼

中四十七段附傳 晉書蔡裔為兗州刺史，有勇氣，聲若雷，震嘗有三盜入室，裔拊床一呼而盜俱隕，故殷浩為中軍將軍，北征委以軍鋒焉。  
列傳七 魏志張遼字文遠，鴈門馬邑人，武力過人，數有戰功，累轉前將軍，舊注曰：江東小兒啼怖之曰：遼來，遼來，無不止者。

### 陳平多轍

### 李廣成蹊

史多廿六卷列十 前漢陳平陽武戶牖人，少家貧，好讀書，治黃老術，為人長大，美色，及長，可取婦，富人莫與者，貧者平亦媿之，父之富人張負有女孫，五嫁夫輒死人，莫敢取，平欲得之，負偉平隨至其家，迺負郭窮巷，以席為門，然



門外多長者車轍負歸予酒肉資以納婦戒其孫曰  
毋以貧故事人不謹負歸謂其子仲曰吾欲以女孫  
予陳平仲曰平貧不事事一縣中盡笑其所為柰何  
予之女負曰固有羨如陳平長貧者乎卒與女里中  
社平為宰分肉甚均父老善之平曰使平得宰天下  
亦如此肉矣從高祖為護軍中尉盡護諸將出黃金  
四萬斤予平恣所為不問出入平多以金縱反間於  
楚軍自初從至天下定凡六出奇計定封曲逆侯惠  
帝時為左丞相呂右時為右丞相又相文帝乃薨  
前漢李廣字弘農隴西成紀人世世受射法武帝時拜右北  
軍平太守匈奴號曰漢飛將軍避之數歲不入界廣  
出獵見草中石以為虎而射之中石没矢視之石也  
他日射終不能入廣歷七郡太守前後四十年得賞  
賜輒分其馱下飲食與士卒共之寬緩不苛士樂為

用元狩中為前將軍從大將軍衛青擊匈奴惑失道  
青欲上書報天子失軍曲折長史責廣之幕府上簿  
廣謂其麾下曰廣結髮與匈奴大小七十餘戰今又  
迷失道豈非天哉且廣年六十餘不能復對刀筆吏  
矣遂引刀自剄百姓聞之知與不知老壯皆為垂泣  
貧曰李將軍恂恂如鄙人口不能出辭及死之日天  
下知與不知皆為流涕彼其中心誠信於士大夫也  
諺曰桃李不言下自成蹊此言雖小可以喻大

## 陳遵投轄

## 山簡倒載

列女上二路傳  
前漢陳遵字孟公杜陵人為京兆史放縱不拘後為  
校尉擊賊有功封嘉威侯居長安中列侯近臣貴戚  
皆貴重之牧守當之官及郡國豪傑至京師者莫不  
相因到遵門遵嗜酒每大飲賓客滿堂輒關門取客



車轄投井中。雖有急，終不得去。  
晉山簡字季倫，司徒濤之子。溫雅有父風。永嘉中，為  
征南將軍，鎮襄陽。四方寇亂，天下分崩，朝野危懼。簡  
優游卒歲，唯酒是耽。諸習氏荆土豪族，有佳園池。簡  
每出，多之。池上置酒，輒醉。名之曰高陽池。時有童兒  
歌曰：山公出何許？往至高陽池。日夕倒載歸，酩酊無  
所知。時時能騎馬，倒著白接籬。舉鞭向葛強，何如并  
州兒。強家在并州，簡愛將也。

### 淵客泣珠

### 交甫解佩

舊注引博物志云：鮫人從水中出，向人家寄住。積日  
賣綃，臨去從主人索器，泣而出。珠滿盤，以與主人。今  
本無載。左思吳都賦云：泉室潛織而卷綃。淵客慷慨  
而泣珠。淵客蓋鮫人也。述異記曰：南海中有鮫人室。

水居如魚，不廢機織。其眼能泣，則出珠。  
列仙傳：江妃二女，皆麗服華裝。珮兩明珠，大如雞卵。  
游於江漢之湄，逢鄭交甫。交甫說之，不知其神也。遂  
下與言，曰：願請子之珮。二女解珮以與交甫，受而懷  
之。趨去數十步，視其懷，空無珮。顧二女，忽然不見。

### 龔勝不屈

### 孫寶自劾

前漢龔勝字君賓，舍字君倩，楚人。二人相友，並著名。  
節。世謂楚兩龔。哀帝時，勝為光祿大夫，王莽秉政，乞  
骸骨。莽後遣使即拜講學，祭酒稱疾不應。復遣使者  
奉金書，太子師友祭酒印綬安車駟馬，與郡太守、縣  
長吏官屬諸生千人以上，入里致詔。勝稱病篤，東首  
加朝服，拖紳。勝曰：吾受漢家恩厚，亡以報。今老且暮  
入地，詎豈以一身事二姓地下見故主哉？語畢，不開



口飲食積十四日死。舍通五經，拜太山太守。數日乞骸骨。哀帝使使者拜光祿大夫，數賜告終不起。舍勝歸鄉，二千石長吏初到官，皆至其家如師弟子之禮。前漢孫寶字子嚴，潁川鄆陵人，以明經為郡吏、御史大夫。張忠辟為屬，欲令授子經。寶自劾去。後署主簿，寶徙入舍。忠怪使所親問曰：「前大夫為君設除，大舍子自劾去者，欲為高節也。今兩府高士，俗不為主簿，子既為之，徙舍甚說，何前後不相副也？」寶曰：「高士不為主簿，而大夫君以寶為可，一府莫言非。士安得獨自高前日君男欲學文，移寶自近，禮有來學，義無往教。道不可詘身，詘何傷？且不遭者可無不為，況主簿乎？忠聞之，慙，上書薦寶。平帝時為大司農。」

### 呂安題鳳

### 子猷尋戴

世說曰：嵇康與呂安善，每一相思，千里命駕。安後來，值康不在，嵇康兄喜，出戶延之，不入。題門作鳳字而去。喜不覺，猶以為忻忻言。凡鳥也。

晉王徽之字子猷，右軍羲之之子，性卓犖，不羈。為大司馬桓溫參軍，蓬首散帶，不綜府事。嘗寄居空宅中，便令種竹。或問其故，徽之但嘯詠，指竹曰：「何可一日無此君邪？」嘗居山陰，夜雪初霽，月色清朗，四望皓然，獨酌酒詠。左思招隱詩：「忽憶戴逵，時逵在剡，便夜乘小船詣之，經宿方至。造門不前而反，人問其故，曰：「本乘興而行，興盡而反，何必見安道邪？」官至黃門侍郎。

### 董宣疆直

### 翟璜直言

後漢董宣字少平，陳留圉人。光武時為洛陽令。時湖陽公主蒼頭白日殺人，匿主家，吏不能得及，主出以



奴驂乘。宦候之。駐車叩馬。大言數主之失。叱奴下車。因格殺之。主訴帝。帝怒。召宦欲殺之。宦叩頭曰。願一言而死。陛下聖德中興。而縱奴殺良人。何以理。天下臣不須箠請自殺。即以頭擊楹。流血被面。帝使宦謝主。宦不從。強使頓之。兩手據地。終不肯俯。主曰。文叔為白衣時。藏亡匿死。吏不敢至門。今為天子。威不能行。一令乎。帝笑曰。天子不與白衣同。因勅強項令出。賜錢三十萬。宦悉以班諸吏。由是搏擊豪強。京師號為卧虎。歌之曰。抱鼓不鳴。董少平。文叔。光武字也。

新序曰。魏文侯與士大夫坐。問曰。寡人何如君也。羣臣皆曰。君仁君也。次至翟璜曰。君非仁君也。君伐中山。不以封君之弟。而以封君之長子。臣以此知之。文侯怒。遂璜。璜起而出。次至任座。文侯問之。對曰。君仁君也。臣聞其君仁者。其臣直。向翟璜之言。直是以知也。文侯曰。善。召翟璜入。拜為上卿。舊本翟璜誤作任座。

## 紀昌貫虱

## 養由號猿

列子曰。甘蠅古之善射者。彀弓而獸伏。鳥下。飛衛學射於甘蠅。而巧過其師。紀昌學射於飛衛。衛曰。爾先學不瞬。而後可言射。昌歸。偃卧其妻之機下。以目承牽挺。二年之後。雖末倒背。而不瞬。以告衛。衛曰。未也。學視而後可視。小如大。視微如著。而後告我。昌以鼈懸虱於牖。而望之。旬日之間。窳大也。三年之後。如車輪焉。以視餘物。皆丘山也。乃以燕角之弧。朔蓬之彀。射之。貫虱之心。而懸不絕。舊本紀昌誤作甘蠅。淮南子曰。養由基。楚將。善射。去楊葉百步。射之。百發百中。楚恭王獵。見百猿。遠避箭。王命由基射之。由基



始調弓矯矢未發乃抱樹而號或本曰楚王有白猿自射之則搏矢而熙使養由基射之始調弓矯矢未發而猿擁樹號矣

### 馮衍歸里

### 張昭塞門

後漢馮衍字敬通京兆杜陵人幼有奇才博通羣書王莽時不肯仕常好傲儻之策時莫能聽用其謀衛尉陰興等以外戚貴顯深重衍遂與交結由是為諸王所聘請尋為司隸從事光武懲西京外戚賓客故皆以法繩之由此得罪而歸故郡閉門自保不敢與親故通顯宗即位又多短衍以文過其實遂廢於家埽壞於時然有大志居常慷慨歎曰衍少事名賢經歷顯位懷金垂紫揭節奉使不求苟得常有凌雲之志三公之貴千金之富不繫於懷貧而不哀賤而不

恨猶庶幾名賢之風脩道德於幽冥之路以終身名為後世法

吳志張昭字子布彭城人博覽衆書孫權拜輔具將軍昭每朝見辭氣壯厲義形於色權以公孫淵稱藩遣張彌許晏至遼東拜淵為燕王昭諫不用稱疾不朝權恨之士塞其門昭又於內以土封之淵果殺彌晏權數慰謝昭昭固不起權因出過其門呼昭昭辭疾篤權燒其門欲以恐之昭更閉門權使人滅火在門良久昭諸子共扶昭起權載以還宮深自克責昭不辱已然後朝會昭容兒矜嚴有威風權常曰孤與張公言不敢妄也舉朝憚之

### 蘇韶鬼靈

### 盧充幽婚

三十國春秋曰中牟令蘇韶卒後從弟節見韶乘馬



盡日而行著黑介幘黃絲單衣節因問幽冥之事詔曰死者為鬼俱行天地之中在人間而不與生者接顏回卜商今見為修文郎死之與生略無有異死虛生實此有異爾言終而不見

舊注引孔氏甚怪曰漢盧充范陽人家西四十里有崔少府女墓充因獵逐麇忽見朱門官舍有人迎充見崔云近得公尊府君書為君娶吾小女故相邀耳將書示充乃亡父手札崔乃命女粧飾於東廂引充相見成禮留三日臨別謂充曰君婦有娠矣生男則當留之贈充衣衾令車送之充至家經三年三月三日臨水戲忽見水上二犢車乍沉乍浮既達于岸充視車中見崔氏與三歲小兒共載其別車即崔少府也抱兒還充及詩一首金梳一枚俄而不見及兒長成後歷任數郡

## 震畏四知

## 秉去三惑

列四十四後漢楊震舉茂才四遷荊州刺史東萊太守當之郡道經昌邑故所舉荊州茂才王密為昌邑令謁見至夜懷金十斤以遺震震曰故人知君君不知故人何也密曰暮夜無知者震曰天知神知我知子知何謂無知密愧而出性公廉不受私謁子孫蔬食步行故舊或欲令為開產業震不肯曰使后世稱為清白吏子孫以此遺之不亦厚乎震安帝時為大尉為中常侍樊豐所譖而卒後漢楊秉字叔節震中子也桓帝時為大尉每朝廷有得失輒盡忠規諫多見納用秉性不飲酒又早喪夫人遂不復娶所在以淳白稱嘗言曰我有三不惑酒色財也



柳下直道

叔敖陰德

論語曰柳下惠為士師三黜人曰子未可以去乎曰直道而事人焉往而不三黜枉道而事人何必去父母之邦  
而還憂而不食其母問其故泣而對曰今日吾見兩頭蛇恐去死無日矣母曰今蛇安在曰吾聞見兩頭蛇者死吾恐他人又見已埋之矣母曰無憂汝不死吾聞之有陰德者天報以福人聞之皆喻其為仁也及為令尹未治而國人信之列女傳曰有陰德者陽報之德勝不祥仁除百禍天之處高而聽卑爾必與於楚及長為令尹老終

張湯巧詆

杜周深刻

前漢張湯杜陵人為廷尉舞文巧詆其造請諸公不避寒暑是以湯雖文深意忌不專平然得此聲譽而深刻吏多為爪牙用者依於文學之士每朝奏事語國家事日旰天子忘食丞相取充位天下事皆決湯百姓不安其生騷動縣官所興未獲其利姦吏並侵漁於是痛繩以鼻自公卿以下至庶人咸指湯右為御史大夫坐事自殺初湯父為長安丞出湯為兒守舍還鼠盜肉父怒笞湯湯掘熏得鼠及餘肉劾鼠掠治傳爰書評鞠論報并取鼠與肉具獄繫堂下父見之視文辭如老獄吏大驚遂使書獄  
前漢杜周南陽杜衍人少言重遲而內深刺骨為廷尉其治倣張湯上所欲擠者因而陷之上所欲釋久繫待問而微見其寃狀客謂周曰君為天下決平不循三尺法專以人主意指為獄周曰三尺安出哉前



主所是著為律後主所是疏為令當時為是何古之法乎後為執金吾遂捕桑弘羊衛皇后昆弟子刻深上以為盡力無私遷御史大夫兩子夾河為郡守家資累巨萬治皆酷暴唯少子延年行寬厚云

### 三王尹京

### 二鮑糾慝

列四十二前漢王駿諫大夫吉之子以孝廉為郎成帝欲大用之出為京兆尹試以政事先是京兆有趙廣漢張敞王尊王章及駿皆有能名故京師稱曰前有趙張後有三王駿終御史大夫章字仲卿泰山鉅平人遷諫大夫在朝廷常敢直言成帝選為京兆尹時帝舅王鳳輔政專權會日食章奏封事召見言鳳不可任用宜選忠賢上不忍退鳳章遂為鳳所陷初章為諸生學長安疾病無被卧牛衣中與妻決涕泣妻怒之曰

京師尊貴在朝廷誰踰仲卿者今不自激印乃反涕泣何鄙也後欲上封事妻又止之曰人當知足獨不念牛衣中涕泣時邪章曰非女子所知也書上果下獄死非其罪眾庶寃之廣漢敞尊互見於後後漢鮑永字君長上黨屯留人少有志操事後母至孝妻嘗於母前叱狗求即去之建武中為司隸校尉乃辟扶風鮑恢為都官從事恢亦抗直不避強禦帝嘗曰貴戚且斂手避二鮑其見憚如此父宜哀帝時為司隸校尉為王莽所害子昱中元初亦拜司隸校尉宣帝時官至大尉

### 孫康映雪

### 車胤聚螢

孫氏世錄曰康家貧無油常映雪讀書少小清介交遊不雜後至御史大夫



晉車胤字武子南平人恭勤不倦博覽多通家貧不常得油夏月則練囊盛數十螢火以照書以夜繼日焉桓溫在荊州辟為從事以辯識義理深重之稍遷征西長史遂顯於朝廷時武子與吳隱之以寒素博學知名于世又善於賞會當時有盛坐而武子不在皆云無車公不樂絡吏部尚書

### 李充四部

### 并春五經

晉書李充字弘度江夏人善楷書妙參鍾索世咸重之褚裒引為參軍充以家貧苦求出外裒將許之為縣試問之充曰窮猿投林豈暇擇木乃除剡縣令後為著作郎時典籍混亂充刪除煩重以類相從分作四部秘閣以為求制累遷中書侍郎人少受業大學通五經善後漢井丹字大春扶風郿人少受業大學通五經善

談論京師為之語曰五經紛綸井大春性清高未嘗修刺候人建武末沛王輔等五王居北宮皆好賓客更請丹不能致信陽侯隍就光烈皇后弟也以外戚貴盛乃詭說五王求錢千萬約能致丹而別使人要劫之丹不得已既至就故為設麥飯葱葉之食丹推去之曰以君侯能供甘旨故來相過何其薄乎更置盛饌乃食及就左右進輦丹笑曰吾聞桀駕人車豈此邪坐中皆失色就不得已令去輦自是隱閉不關人事

### 谷永筆札

### 顧愷丹青

前漢谷永字子雲長安人與樓護俱為五侯上客長安號曰谷子雲筆札樓君卿唇舌言其見信用也永於經書沉為疏達與杜欽杜鄴略等不能洽浹如劉



向父子及楊雄也。其於天官京氏最密。故善言災異。終大司農護字君卿。少隨父為醫。出入貴戚家。是時王氏方盛。賓客滿門。五侯爭名。其客各有所厚。不得左右。唯護盡入其門。咸得其驩心。為人精辨論議。常依名節。聽者皆竦。仕至廣漢太守。王莽專政。召為前輝光。西京雜記曰。五侯競致奇膳。護乃合以為饋。世盛稱五侯饋以為奇味焉。

列六十七晉顧愷之字長康。晉陵無錫人。博學有才氣。好諧謔。人多愛狎之。每食耳薦。常自尾至。本人或怪之。云漸入佳境。尤善丹青。圖寫特妙。嘗以一厨畫糊題其前。嘗寄桓玄。皆其所珍惜者。玄發其厨。後竊其畫而緘。閉如舊。還之。給云未開。愷之見封題如初。直云妙畫。通靈變化而去。亦猶人之登仙。了無怪色。其矜伐過實。少年因相稱譽。以為戲弄。初在桓溫府。嘗云愷之

體中癡黠各半。合而論之。正得平耳。故俗傳愷之有三絕。才絕。畫絕。癡絕。終散騎常侍。

### 戴逵破琴

### 謝敷應星

列六十四晉書戴逵字安道。譙國人。少博學。善屬文。能鼓琴。工書畫。其餘巧藝靡不畢綜。武陵王晞聞其善鼓琴。使人召之。逵對使者破琴曰。戴安道不為王門伶人。晞怒。乃引其兄述。述欣然擁琴而往。後累召不起。列六十五晉謝敷字慶緒。會稽人。性澄靖。寡欲。入太平山十餘年。召皆不就。初月犯少微。少微一名處士星。占者以隱士當之。戴逵有羨才人。或憂之。俄而敷死。故會稽人士以嘲具人云。具中高士求死不得死。

### 阮宣杖頭

### 畢卓甕下



晉書阮脩字宣子咸從弟也好易老善清言性簡任  
 不脩人事常步行以百錢掛杖頭至酒店便獨醉暢  
 雖當世富貴而不肯顧家無儋石之儲晏如也與兄  
 弟同志常自得於林阜間王衍與脩談易言寡旨暢  
 衍歎服焉脩居貧年四十餘未有室王敦等歛錢為  
 誓皆名士也時慕之者求入錢而不得後為太子洗  
 馬避亂為賊所害  
 晉畢卓字茂世新蔡銅陽人少希放達為吏部郎中  
 常飲酒廢職比舍郎釀熟卓因醉夜至其甕間盜飲  
 為掌酒者所縛明且視之乃畢吏部也遽釋其縛卓  
 遂引主人宴於甕側致醉而去常謂人曰得酒滿數  
 百斛舡四時甘味置兩頭右手持酒杯左手持蟹螯  
 拍浮酒舡中便足了一生矣過江為溫嶠長史

### 文伯羞鼈

### 孟宗寄鮓

晉語曰公父字文伯飲南宮敬叔酒以露睹父為客  
 羞鼈小焉睹父怒相延食鼈辭曰將使鼈長而後食  
 之遂出文伯之母聞之怒曰吾聞之先子曰祭養尸  
 饗養上賓鼈於何有而使夫人怒也遂逐之五日魯  
 夫人辭而復之

吳錄孟仁字恭武本名宋江夏人少從李肅學其母  
 為作厚蓐大被曰小兒無德致客學者多貧故為廣  
 被庶可得與氣類接也其讀書夙夜不懈肅奇之曰  
 卿宰相器也除監池司馬自能結網手以捕魚作鮓  
 寄母母以還之曰汝為魚官而以鮓寄我非避嫌也  
 遷具令時皆不得將家之官每得時物未以寄母常  
 不先食梁國先賢傳曰宗母嗜筍冬節將至時筍未







